





中吳紀聞卷第一

宋

崑

山

龔

明

之

范文正公

天聖五年范文正公居母喪上書宰執請擇郡守奉  
 縣令斥游惰去冗僭遴選舉崇教育養將材寔邊備  
 保直臣斥佞人使朝廷無過生灵無怨以杜奸雄凡  
 萬餘言時王文正公曾為相見而偉之服滿薦充館  
 職錄以為人主此知不次擢用慶歷三年九月拜叅  
 知政事上開天章閣訪以治道公條陳當世急務十  
 條一曰明陟黜二曰抑僥倖三曰精貢舉四曰擇官  
 長五曰均公田六曰厚農桑七曰修武備八曰覃恩



信九曰重命令十曰減徭役十上嘉納之一歲之間  
次第奉行無或遺者公初上宰相書即受知于王文  
正後陳十事即見聽于仁宗雖曰抱負奇偉不容不  
見施設自非全君賢相委曲信任之亦安能行其所  
學耶

### 許洞

許洞太子洗馬仲容之子

洗馬墳在城西

登咸平三年進士

第平生以文章自負其著詩篇甚多當世皆知其名  
歐陽文忠公嘗稱其為俊逸之士所居惟植一竹以  
表特之操吳人至今稱之曰許洞竹前一竿竹真在  
祠分陰時洞為均州叅軍在路獻文章今台試中書

予之族妹適洞之曾孫見其家藏洞之教牒三四紙

洞與潘閻錢易為友狂放不羈獨坐廬多遜黨亡  
命乃變姓名僧服入中條山洞密贈之詩曰潘道  
遠平生才氣如天高倚天大笑無所惧天公真改  
口嗽、罰教臨老頭補衲歸中條山我願中條山  
神鎮長在駟雷叱電趕出這老怪

### 丁陳范謝

錢武肅王鏐之子廣陵王元璪廣陵王之子威顯王  
文奉皆為中吳軍節度使開府於蘇時有丁陳范謝  
四人者同在賓幕丁諱守節陳諱贊明范諱夢齡謝  
諱崇禮職中吳軍節度推官俱以長者稱守節者丞



相謂之祖贊明者屯田之奇字虞卿之曾祖夢齡者  
參政仲淹之曾祖崇礼者太子賓客涛之父其子孫  
又皆登高科踰膺仕足見慶源深厚矣

### 辟疆園

吳中書曰傳池館林木之勝惟辟疆園為第一辟疆  
姓顧氏晉人見于題咏者甚衆李太白云柳深陶令  
宅竹暗辟疆園陸羽云辟疆曰林園怪石紛相向陸  
龜蒙云吳之辟疆園在昔勝概敵皮日休云更葺園  
中景應為碩疆辟近世如張伯玉亦云于公門館辟  
疆園放襟怀水石向今莫知其遺跡所在

### 門百草

吳王與西施嘗作門百草之戲故劉禹錫詩云若共  
吳王開百草不如及是欠西施

### 陳君子

陳之奇字虞卿鄉人以其有賢德故以君子稱之初  
登第為鄱陽尉後為丹徒秦興令李璋尚秦國大長  
公主下國子監舉通經術有行義者為教授遂以公  
充選未幾乞致仕遷太子中允時年未五十俄除平  
江軍節度掌書記復以為教授詔裝錢從遣之力辭  
不赴公道道德著于鄉雖閭巷小兒亦知愛敬有爭  
訟久不決者跨蹇驢至其家以大義感動之皆為之  
革心自掛冠後閉居十八年熙寧初卒葬花山玉岐



公為作誌題之曰陳君子墓銘始公之謝事也將堂  
侍郎語人曰奉天下皆知有富貴而虞卿獨以知止  
易衆人之心吾喜林下有人矣因為賦詩曰宦秩拜  
春坊歸林識慮長掃門甲魏勃設醴謝元王一水尊  
鱸國群山橘柚鄉喜君添老社烟駕尚徜徉張伯玉  
郎中亦贈之詩曰東吳王孫歸掛冠玉絲紅鮓滿雕  
盤狂吟但竟日月久醉舞不知天地寬小圃移花山  
客瘦夜寔搗藥橘童寒新書近日成多少且借先生  
旋借看

梅圣俞與僧良玉詩

嵩山慧聚寺良玉字蘊之僧行甚高旁通文史之李

又善書工琴棋因游京師梅圣俞見而喜之以姓名  
詢于朝賜以紫衣其東歸也圣俞以詩送之曰耒衣  
茶褐袍歸爰棋色服扁舟洞庭去落日淞江宿水烟  
晦琴徽山月上忘屋野童遙相吟風葉鳴椽櫺後潛  
道故山專以講經為務号此居曰雨花堂

半夜鐘

唐張繼宿楓橋詩云月落烏啼霜滿天江楓漁火對  
愁眠姑蘇城外寒山寺夜半鐘聲到客船昔人謂鐘  
聲無半夜者詩話嘗辨之云姑蘇寺鐘多鳴于半夜  
予以其說為未盡姑蘇鐘惟承天寺至夜半則鳴其  
他皆五更鐘也

此張繼詩王氏季林  
新編誤以為溫庭筠



白樂天

白樂天為郡時嘗携客滿蟬態等十妓夜游西武邱寺嘗賦紀遊詩其末云領郡時將久游山數幾何一年十二度非少亦非多可見當時郡政多暇而吏議甚寬使在今日必以罪去矣

六經閣紀

姑蘇自景祐中范文正公典藩方請建李其後富即中嚴維之又建六經閣張伯公達嘗為郡從事遂命為之記今但傳其篇首數句聞見錄又誤載始末于家偶藏公達詩著蓬萊集恐後人不復見全文也因具載六經閣子史在焉不書尊經也吳郡州李始由

高平范公經見之其後天章蔣公待制中書劉舍人史館昭文張陸二季士行郡士殿中丞李仲塗先生之犹子中臺柳兵曹今尚書富即中十年更八政仁賢斯繼志季始大成六經閣又建先時書籍草創未暇完葺厨之後廡澤池汙晦日涸散脫規者惻然非古人藏象魏拜六經之意至是富公始與吳邑長洲二大夫以季本之餘錢僦之市材直公堂之南臨泮池建層屋起夏六月乙酉止秋八月甲申凡旬有七浹計庸千有二百作楹十有六棟三架雷八桷三百八十有四二戶六牖梯衝染稅圻墁陶甃稱是祈于久故奕而不痺酌于道故文而不華經南向史西嚮



子集東嚮標之以油素揭之以油黃澤然區處如蚊  
虻之鱗麗如日月之在紀不可得而亂大抵天地之  
極致皇王之高道生人之紀律尽在是矣古者聖賢  
之設教也知函夏之至廣生齒之至衆不可以頓解  
耳授故教之有方導之有源乃本庠序之風師儒之  
說始于邦達于鄉至于室莫不可季煇之文物聳之  
以声名先用警策其耳目然後清發其靈府故其習  
之也易得之也深其政不肅而成不煩而治歐元  
之入善域優而柔之使自得之万世之後尊三王四  
代法者無他焉教化之本末則善也然則規是闕者  
知六經之在則知有聖人之道知有聖人之道則知

有朝廷之化知有朝廷之化則嚮方之心日慙一日  
禮義之澤流于外泣歌之聲格于內其為惡也無以  
從其為善也有所歸雖不欲從善遠罪納諸太和不  
可名唐公之詩曰豈弟君子來游來歌子思之說云布  
在方策人存則政齊凡百君子由斯道治斯民暢皇  
極序彛倫者舍此而安適得無尽心焉諸儒謂伯玉  
嘗從事于此州游季游允久宜刊樂石庶幾永無  
忽

### 唐即官題名

唐即官題名碑承明時在學舍中堂之後已漸剝缺  
兵火後不復存矣序文乃張長史楷書長史以草聖



得名未嘗作楷書世尤愛之題名之人雖不一亦盡  
得古筆法唐世崇尚字季用此以取人凡書皆可觀  
今身傳止序又尔長史蘇人故立碑于此

丁晋公

祖守節吳越中  
吳軍節度推官

公諱謂字謂之家世于吳其祖仕錢氏遂為吳人公  
少負才名先叔祖端公在常州日公嘗贄又求見因  
贈之詩曰膽怯何由戴鉄冠祇緣昭代獎孤寒曲肱  
未遂違前志直指無間是曠官三朝每傳朝客說五  
溪閑恁郡樓看祝君早得文場雋况值天堦正舞干  
淳化三年公登進士科名在第四與孫何俱有聲當  
時王黃州有詩云三百年來文不振直從韓柳到孫

丁如今便合教修史二子文章似六經祥符中為參  
知政事上問唐酒價幾何公曰每斗三百按杜甫詩  
連宜相就飲一斗恰有三百青銅錢又侍晏賞花釣  
魚公詩云鸞鷲鳳輦穿花去魚畏龍顏上釣遲上賞  
咏存三羣臣皆不以為不及天禧中拜相仁宗即位  
進司農丞侍中後為章叅山陵使擅移陵城貶將仕  
郎崖州司戶叅軍公自遷謫日賦一詩号知命集後  
因奏表叙策立之功有云雖遷陵之眾大念立主之  
功多因徙雷州移道州復秘書監光州居住貶竄十  
五年鬢髮無斑白者人皆服其量臨終半月不食焚  
香危坐誦佛書以况香煎湯時呷而已至光州謝執



政啟有云三十年門館從游不無事契一万里風波  
往復尽出生成在海上对客向天下州郡孰大客曰  
惟京師公曰朝廷宰相只作崖州吏戶則崖州為大  
衆皆大笑歸葬華山臥君在大郎橋号晋公坊堂宇  
甚古有層樓數間臨其後予嘗至其地與公之孫德  
隅游德隅善篆六工于四六

### 解額

蘇姑自祥符間定制秋奉以四人為額慶歷中就奉  
者止二百人范貫之危圖嘗作送錢正叔赴奉序已  
言四人之額視他藩為最寡熙寧元豐間及奉者漸  
多增為六人三舍既行罷去科奉法歲貢四人舍法  
罷乃合三年之數為十二人紹興丙子又增流寓一  
名今終場者幾二千人其額又不勝其窄矣

### 紅蓮稻

紅蓮稻從古有之陸魯望別墅怀居詩云遙為晚花  
吟白菊近炊香稻識紅蓮至今以此為佳種

### 陸宣公

唐書云陸贄蘇州嘉興人按武德中蘓州改管七縣  
而嘉興本号長水縣改為由拳又改為嘉禾吳赤烏  
中方易今名也

### 太一宮

太平興國六年方士言五福太一在吳越分太一天



之貴神也行度此至之國民受其福故今蘓州建太  
一宮後以地遠不便于禱祀遂于京城蘇村建之  
今之天慶觀乃其旧趾鄉人尚有以宮巷宮前稱  
者

### 孫百篇

吳士孫發嘗奉百篇科故皮日休贈以詩云百篇官  
体喧金屋一日官衙下玉除陸龜蒙亦有云直应天  
授与詩情百咏惟消一日成其見推于當時如此  
科不知創于何代国初亦無定制惟求应者即命试  
太平兴国五年有題昌国願试此科帝御殿出四句  
詩為題詩云松風雪月天花竹鶴雲烟詩酒春池雨

山僧道柳泉每題五篇四韵至晚僅成數十首方  
欲激勸後季特賜及第仍詔今後应此科者约此題  
為式

### 蘓舜美

蘓舜美字子美易簡参政之孫慷慨有大志工為古  
文声名與歐陽公相上下天圣七年玉清昭應宮災  
子美以太庙斋即謂詣登聞上疏謂天以此垂戒願  
陛下恭默内省語甚切直時年方二十登景德元年  
進士第俄有詔戒越戢言事者子美又上書極論其  
不可慶歷四年擢大理評事集賢校理監進奏院当  
时用事者以子美乃范文正所荐而杜正献之婿也



目驚故紙會客事証奏之遂除名勒停嘉祐初韓魏  
公為請于朝追復元官年四十一山谷先生嘗有觀  
祕閣蘇子美詩題壁詩及其平生大節直蹟藏汪玉  
山家今集中不載故見之于此仁祖康四海本朝盛  
文章蘇即如虎豹孤嘯翰墨場風流映海岱俊鋒不  
可當李詩窺法窟當代見崔張銀鈎刻琬步蠶尾廻  
縵縵擢登羣玉府高閣目生光春風吹曉雨禁直夢  
滄浪人声市朝遠蓋影花烛涼秋荷滿筆硯怨句挾  
風霜不甘老天祿誠欲升未央小臣膽如斗朱儒捧  
一囊請授師十萬奉辭狗犬羊歸鞞飲月支伏背穹  
中行人事喜乘忤南遷得夜航此時調玉烛日行中

道玉柄巨似牛李傾奪謀未減薄酒圍卽輒老龜禍  
枯桑並官百郡卽報賽用安常招延青雲士共醉椒  
椿觴俗客避白眼傲歌舞紅裳謗書動宸極牢戶繫  
桁楊一網收冠蓋九衢人走藏庖丁提刀立滿意無  
四旁論罪等饕餮囚衣禦方良姑蘇摩鹿噓風月有  
書堂永無前被期山鬼共幽篁萬戶封侯骨今成狐  
兔岡迎來四十年我亦校書郎雄文終脍炙妙墨見  
垣墻山高仰豪氣崢嶸乃不亡張侯南詩卷詞章尚  
軒昂草書十餘帛雨漏古屋廊誠知千里馬不服万  
乘箱遂令駕鼓車此豈用其長事往飛鳥過九原色  
莽蒼敢告大鈞手才難幸扶將子必字進之任湖北



運使朱殿院之女通參政公之子宿：乃

紅梅閣

吳感字志之以文章知名天聖二年省試為第一又  
中天聖九年書判拔萃科仕至殿中丞居小市橋有  
侍姬曰紅梅曰以名其閣嘗作折紅梅詞曰喜輕漸  
初津微和漸入芳郊時節春消息夜來陡覺紅梅數  
枝爭發玉溪仙館不是箇尋常標格化工別與一種  
風情似自點胭脂染成香雪重吟細閱比繁杏桃夫  
品流真別只愁共彩雲易散冷落謝池風月憑誰向  
說三弄處危吟休咽大家由取倚闌干聞有花堪折  
功君須折其辭傳播人口春日群晏必使倡人歌之

吳死其閣為林少卿所得兵火前尚存于純字晦叔

文行二高鄉人呼為吳先生楊元素本事集誤以為

梅與殿丞作  
此詞贈之

先高祖

先高祖諱識給事中諱慎儀之子登瑞拱元年第大  
中祥符間用翰林李士李宗諤荐擢監察御史屬真  
宗東封護蹕還都遷殿中侍御史並左巡使時年四  
十有二本朝承襲唐制御史不專言職至是始擇季  
術醇正操履端方可以紀綱朝廷者俾入臺言事得  
之至難故被選者實為不世之榮先高祖任職踰年  
遽抱目疾累表乞退遂除檢校司封郎官平江軍節



度副使

先高祖登第時金花貼子尚存其制用塗金黃紙  
大書姓名下有兩知奉花押仍用白紙作一大貼  
貯之亦題姓名于上近吳南英于周叅政處模寫  
王扶盛京二貼子名士題跋甚衆皆以為今世所  
罕見者予因滯而視其所藏適與王扶同此一榜  
規模無毫髮不相見似但多白紙為護耳今世謂  
榜貼者蓋起于此

趙霖水利

<sup>政</sup>和六年莊徽待制為郡守中使以金字牌奉御筆云  
訪向平江府三十六浦內自古置閘隨潮啟閉泄放

水勢久堙塞遂致積年為患今差本府戶曹趙霖  
躬親具逐浦相度經久利害繪圖赴尚書省指說既  
被旨回徧歷諸縣遂得其利害霖意不過三說一開  
治港浦二置閘啟閉三築圩畧田逐條析其事合成  
一書奏之後畧施霖所建明与却正夫差異霖專主  
置閘之說正夫則屬意于開縱浦橫塘使水趨于江  
而已霖謂二公之論与今日又不同往時以在多積  
水故以治之法如此今以有水旱之患者其弊在  
于圍田由此水不得停蓄旱不得疏注民間遂有無  
窮之害舍此不治而欲興水利難矣

黃氏三夢



建寧黃氏乃名族也因游宦遂徙居于吳黃氏有三子皆勤于學向其父忽夢捷夫持榜貼板黃顏遂以名其長子已而果第久之其夢如初乃折偏旁名仲子以彥復掇高科後數年其夢亦如初黃甚怪之又以顏名其季顏既第顏即死矣

### 崑山編

唐人劉綺莊為崑山尉研窮今古細帙武積甚富嘗分類應用事注釋于下如六帖之狀考崑山編今其書尚存

### 臯橋詩

臯橋者漢臯伯通所居之地梁鴻娶孟光同至吳居伯

通廡下為人春及後伯通察而笑之乃舍之于家皮日休嘗賦詩云臯橋依旧綠楊中間里犹生隱士風惟我到未居上館不知何道勝梁鴻陸龜蒙詩云橫絕春流架斷虹凭欄犹想五噫風今未未必非梁孟却是無人继伯通

### 謝賓客

公諱濤字濟之其先三世仕吳越公幼而奇敏嘗講學于陽山澄照寺之西廡時王翰林禹偁宰長州羅拾遺處納宰吳縣皆器重自此名顯于時登淳化三年第知益州華陽縣通州壽州知吳國軍真宗即位鏡意任人一日中出朝士姓名有治狀者凡二十四



人付中書門下令驛召至闕公在選中命知曹州有  
兗人趙諫者交权势結豪傑務乘人之弊以告汧公  
之朝廷斬于都市乃下詔凡民犯干已事無得告言  
遂著于令為兩川安撫還除三司度支判官出守海  
陵新安二郡俄召試直史館出為兩浙轉運使還判  
司農寺兼侍御史知雜事知越州任滿拜太常少卿  
判登聞檢院又得請权西京田司御史臺既拜祕書  
監遂分司洛下朝廷嘉其恬退遷太子賓客其子既  
入臺閣迎侍于京師景祐元年卒年七十五贈礼部  
尚書子絳女通梅堯臣圣俞孫景初景温公始以文  
季中進士上第而子孫世踐其科又父子更直館殿

出處僅二十餘年皆衣冠之盛事公力務洛下志屏  
去外累于筆硯歌詩素以耽嗜亦不復為曰佚我以  
老也數年間惟日看旧史之篇以代賓話一日因假  
寤夢中作讀史一絕云百年奇特幾張紙千古英雄  
一窖塵惟有炳然周孔教至今仁義洽生民越一夕  
捐館范文正公為紀其事

### 張子野吳江詩

張子野字吳江日嘗賦詩云春後銀魚霜下鱸遠人  
曾到合思吳欲圖江色不上筆靜覓鳥声深在蘆落  
日未昏聞市散青天都淨見山孤橋南水漲虹垂影  
清夜灯燈光合太湖為当时之绝唱



春申君

姑蘇城隍神乃春申君也按史記春申君初相楚後  
清封于江東考列王許之因城故吳墟以為都邑吳  
地去六云春申君嘗造蛇門以禦越軍其廟食于此  
也回宜越絕書云吳伐楚封春申君于吳吳說  
又似不同要當以史記之言為正

蔣密李

蔣堂字希魯兩嘗守此即後既謝事回家烏自号曰  
漫翁臥居曰灵芝坊作園曰隱圃隱圃之內如巖扁  
水月菴烟蘿亭風篁亭香巖峯皆極登臨之勝公喜  
賓客日為宴会時以詩篇為樂范貫之老圖嘗賦詩  
云勇退人難事明公識慮長波濤濟舟楫霜雪見松

篁林下開前圃花間撒亞槍二疏良宴会老杜好篇  
章道向清未勝机于静处忘当除印如斗试一較閒  
忙

丁晋公拜老都先生

祥符中丁晋公自參知政事拜平江軍節度使知昇  
州時建節威者出入必陳其儀度既还本鎮鄉人為  
之改觀公在童齡時嘗從老都郁先生李先生居光  
盪巷師孟  
云父戶部師厚之伯  
父子嘗從師孟之季至是首入陋巷詣先生之居以  
兩朱桓之拜于其下先生惶惧大声呼之曰拜殺老  
夫矣既坐話曰極款密且云少年狹劣荷先生教诲  
痛加搜楚使其得成力者皆先生之賜也先生愈不



不自安不數月果卒公遣吏為辦棺斂葬埋之物甚厚矣人至今以為美談

### 李璋

李璋志其字居盤門內為人不羈王荆公甚愛其才嘗有送行詩云湖海声名二十年尚隨鄉試已華顛却歸浦里無三徑擬傍胥山就一廛朱轂風塵休暢望青鞋雲水且苗連故人如見亦相向為道方尋木雁篇又有公下第詩云浩蕩宮門白日開君王高拱試羣才季如吾子何憂失命屬天工不可猜意氣未宜輕感慨文章尤忌數悲哀男兒獨患無名爾將相誰云有種哉由此聲譽益著後以特恩補官孫益字

彥中擢高科歷監察御史居常熟

公素好讖譎有一故相遠瓜在吳中嘗于游嬉之地書其壁曰大丞相再從妖某嘗游公回題其傍曰混元皇帝三十七代孫李璋繼至嘗赴特奏恩語同試者曰廷唱日必不以名見呼止稱某排第耳眾皆不以為然厚与之約已而進狀云因在京師有遠族相遇譜系亦有以璋名者欲以九易之他日殿下果唱李九蓋公排第九也

### 木蘭堂詩

木蘭堂多為太守游燕之地范文正公作守時嘗賦詩云堂上列鐘鼓多慙不如古却羨木蘭花曾見霓



裳舞白樂在蘇嘗教倡人為此舞也堂之前後皆植木蘭幹極高大  
兵火後不存

### 林大卿買宅

州民有宅一區多出變怪無有售之者林顏大卿獨求買之既徙入中夜據廳事独坐以示其不恐忽見一白衣婦人縱其口如俄至一処所潛服不見詰朝使人穿其地得良百餘錠其上皆鐫一林字以無異尉遲敬德事也

### 富秘監

富秘監嚴丞相忠文公之叔父也登大中祥符四年第慶歷中以刑部郎中守鄉郡嘉祐中守秘書監致

仕退居于家未嘗一造府治終年無毫髮干請士大夫皆賢之皇朝類苑嘗載其事平贈司徒葬寶華山有子臨娶先都官之女秘監与都官聘書今尚存飽季能又終地陽守洵及元衡擢進士第皆秘監公之曾孫也

### 智積菩薩

灵岩寺乃智積開山之地智積当東晉末自西土來瓶之伽藍泗州僧伽持良鉢江南至常之無錫聞智積在蘇即回曰彼処已有人矣由此名遂顯有一貧嫗慕其行嘗持再黍為獻智積受之嫗因得度至今上巳日号智積誕日聚數十百嫗為角黍会

### 三江口



淞江之側有小聚落名三江口鄞善長云淞江自湖  
東北逕七十里至江水分流謂之三江口吳越春秋  
云范蠡去越乘舟出三江之口入五湖之中皆謂此  
也三江即禹貢所指者

### 楊惠之塑天王像

慧聚寺有毗沙門天王像形模如生乃唐楊惠之所  
作惠之初季晝見吳道子藝甚高遂更為塑工亦能  
名天下徐稚山侍郎以此像得塑中三昧嘗紀其事  
謂其傍二侍女女佳且戒後人可妄加塗飾近為一  
俗工修治遂失初意

### 王贊運使減租

初錢氏因除而田稅尚仍其旧畝稅三斗浙人苦之  
太宗乃遣王贊為轉運使轉運衙曰在姑蘇州治之西偏均西浙雜  
稅贊悉令每畝稅一斗使還大臣有責其增減賦額  
者贊謂畝稅一斗天下之通法兩浙既以為王民豈  
可復徇偽國之制上從其說浙人至今便之

### 閩鴨

陸魯望有閩鴨一欄頗極馴養一旦驛使過焉挾彈  
斃其尤者魯望曰此鴨善人言見欲附蘇州上進使  
者奈何斃之使者尽以囊中金以窒其口使徐向語  
人之狀魯望曰能自呼其名耳使人憤且笑拂袖上  
馬復名之還其金曰吾戲耳



中吳紀聞卷第二

宗崑山龔明之

姚氏三瑞堂

閶門之西有姚氏園亭頗足雅致姚名淳家世業儒  
東坡先生往來必憩焉姚氏素以孝稱其居有三瑞  
堂東坡嘗為賦詩云君不見董董名南隱居行義孝  
且慈天公亦恐無人知故令鷄狗相哺兒又令犇老  
為作詩尔來三百年名与淮水東南馳此人世不乏  
此事亦时有楓橋三瑞皆目見天意宛在虞鰥後惟  
有此詩非昔人君更往來無價手東坡未作此詩姚  
以千文遺之東坡得簡云惠及千文荷雅意之厚法



書固人此共好而某方欲省緣除長物曰有者犹欲去之又况復收邪固却而不受此詩既作之後姚復致香為惠東坡于虎邱通老簡尾云姚君甚善好事其意固可嘉然不須以物見遺惠香八十罐却託還之已領其厚意与收田無異寔為他相識所惠皆不田故也切為多致以懇予家藏王瑞堂石刻每讀至此則歎美東坡之清德誠不可及也

丁氏賢惠錄

丁氏賢惠錄安定先生文蘇子美書丁氏乃晉公之女弟陳君子之母也封長安縣君賢行甚著晉公鍾愛其甥欲官之丁氏回辭俾其以季術進晉公竦然

稱嘆已而同其弟維登進士科觀此足以知夫人之賢矣

里人張紳世與陳旧其婦婉而沒夫入保其嬰婦付乳媪親加拊視能言而還之相兄既南適家日淪困有妹孫女幼孤夫人訓育焉于已生及婦馮氏子婦式肉淑甚宜家其時工部黃郎中宗旦守蘇州而謂人曰蘇事可書于史

張文定公知崑山

張文定公方平景祐中宰崑山時將堂侍郎為郡守得公著菑菑論三十篇上之因卒為賢良公知崑山時吳越歸國未甚久郡邑地曠民占田無紀安遠多



侵越訟數十年不能決公召向以輸祖稅幾何大約百一二悉取收其餘以賦貧民自是無訟

### 傳燈錄

永安禪院僧道元慕祖佛訖近世名僧禪語為傳燈錄三十卷以獻祥符中詔翰林季士楊億知制誥李維太常丞王曙刊定刻板宣布

### 曾大父

曾大父諱宗元字會之自幼穎悟絕人讀書于虎邱寺晝夜不絕卒進士謂鄉里首選繼登天聖五年第主杭州仁和簿時范文正公為帥改容禮之曰公器業清修他日必為令器謹勿回人以進曾大父敬服

其訓高祖既抱疾曰乞便親移吳縣簿後以居憂服闋調建安尉藹有稱聲保任者二十有二章召見改大理寺丞知句容縣癸奸摘伏政如神明葉道卿內翰時開府金陵甚為之前席楊紘持使節行部為為深酷吏望風投劾而去紘過境上独不入縣或向其故紘曰禁君治民民至有声吾往往為擾耳其見重如此自登朝未嘗游公卿之門皆文正公之教也士論美之嘗通判吳越二州終都官員外郎葬南峯山有文集十卷号武邱居士遺稿子程孫况俱擢第曾大父善作詩嘗有六月吟云曦輪獵野枯杉松火焚春華雲如峯天地爐中赤烟起江湖照沫烹魚在生



停渴獸唇焦斷峻翮無聲落晴漢飢民逃生不逃熱  
血迸背皮流若汗玉宇清宮徹羅綺渴嚼米壺森貝  
齒炎風隔斷真珠簾池口金龜吐寒水象牀珍簟凝  
流波瓊樓待月微酣歌王孫晝夜絕娛樂不知苦熱  
還如何夜晏詩云兔魄侵階夜三刻蜀錦堆香花院  
窄風動簾旌玳瑁寒露坐出綢珍珠白美人正席羅  
弦歌綺幄雲屏爐麝煥只恐金壺漏水空不怕鸞觴  
琥珀滿勸君莫負秉燭游曾見古人傷晝短贈處士  
林逋詩云高蹈遺塵蛻含華傲素圍瑤溪頻下釣蕙  
帳不驚猿養浩時清肅忘机只寓言幾回生蜨翅明  
月在西軒送陳君子之四明詩云短亭祖帳接平川

柳拂回波繫画舫漸向落暉分繡袖忍聽離曲怨鷓  
鴒雲連稽嶺空懷古路近花源好訪仙那更憑高望  
天際江堤烟重草綿綿搥砧詞云星游耿寒烟浮  
白兔嚼月臨霜樓谁家砧弄細腰杵一声搥破江城  
秋双桐老翠墮金井高低冷逐西風緊靜如秋籟暗  
穿雲天半鷺鴻斷斜影哀音散落愁人耳何處離情  
充喚起長信宮中葉滿階洞庭湖上波平水万里征  
夫眠未成搖風擣月何丁丁楚閩秦嶺有歸客一枕  
夜長無限情曾大父嘗以武業投范文正文正曰子  
之文溫厚和平而不乏正氣似其為人也世以為確  
論云



婁侯

崑山乃古之婁縣今縣之東北三里有一聚落尚以婁縣為名或云在漢為繆後避錢王諱改今名予考三國志張昭拜輔吳將軍封婁侯則縣之為婁曰矣漢書云改于王莽時

滕章敏公

滕元發名甫避高魯王諱以字為名更字達道九步能賦詩敏捷过人范文正之父為諸舅見而奇之教以為文、正為鄉即而安定胡先生居于即季公往從之門人以千數第其文常為首率進士試于建宗景文公奇其文擢為第三以声韻不中程黜之其後

八年復中第三通判湖州時孫威敏公沔守錢塘一見曰後當為賢將授以治劇守邊之要召試季士院判吏部南曹起居注知制誥知諫院王綢論宰相不押班為跋扈上以向公、曰宰相固有罪然以為跋扈則臣以為欺天陷人矣知開封府還御史中丞抗論得失為多出知秦州河朔地震坏城池廬舍命公為安撫使還復知開封府除翰林季士出知鄆州移定州入覲力言新法之害至定虜人畏服上喜令再任詔曰寬戾有体邊人安焉曰作堂以安邊名之又上疏論新法從青州留守南郡知蒲鄆二州坐累知安州侍郎韓丕旅殯于安五十年矣季士鄭獬安人



也既沒十年貧不克葬公皆葬之以言者復貶筠州已而為湖州哲宗既位徙蘓揚二州除危圖閣直學士復知鄆州危方飢乞淮南米二十萬石為備全活至年七十一贈左銀青祿大夫謚曰章敏葬陽山公屢領帥杖條畫皆有方議者謂近世名將無及公者朝廷雖知公之深而終不大用每進小人必諂之公嘗上章自訟有曰樂羊無辜謗書滿篋即墨何罪毀言甘聞天下聞而悲之

### 滄浪亭

滄浪亭在郡李之東中吳軍節度使孫承祐之池館

其後蘇子美得之為錢不過四萬歐公詩所謂清風明月本無價可惜只賣四萬錢是也予家曰与章莊敏俱有其半今盡為韓王所得矣

### 范文正公復姓

范文正公幼孤隨其母適朱氏因從其姓登第時姓名乃朱說也後請于朝始復旧姓表中改用鄭準一聯云志在投秦入境遂稱于張祿名非伯越乘舟偶效于陶朱范蠡范睢事在文正用之尤為切當今集中不載

### 鄭宣徽

鄭戩字天休居皋橋天聖初登進士第嘗知開封府



癸搗奸伏都下肅然遷三司使知樞密院俄以資政  
殿學士知杭州移鎮長安有表曰聰嚴宸之鍾鼓未  
卜何晨植勁栢于雪霜更覲晚節上稱誦者數四謂  
左右曰噫氣負英豪朕欲用為宰相故屢試于外也  
慶歷三年代范文正為四路都招討元昊長其威再  
知長安蕃酋部將遮道卧轍不得行六年移并州尋  
拜宣徽司使奉國軍節度使未幾薨贈太尉謚文肅  
葬橫山

### 五柳堂

五柳堂者胡公通直公作也其宅自陸魯望曰所  
謂臨頓里者是也公諱稷言字正思兵部侍郎則之

佚少季古文于宋景文又嘗獻時議于范文正晚從  
安定先生之季皆蒙愛獎以特奏名拜官調晉陵尉  
主郢縣縣山陰丞自度不能究其所施乃乞致仕陞  
朝之後仍賜緋衣銀魚公既告老即此居蔬園鑿池  
種五柳以名其堂慕淵明之為人賦詩者甚衆公自  
中年清修寡欲延納後進談論不少休日久後不飲  
食率以為常或与客坐久不過具湯一盃而已年八  
十餘而終江諫議公望為志其墓子嶧

### 中隱堂三老

曾大父自都官員外郎分司南京謝事家居  
取白樂天大隱住朝市小隱入邱樊不如作中隱

西居在  
大酒巷



在田司之間特建中隱堂與尚書屯田員外郎程適  
太子中允陳之奇相與從游日為文酒之樂至于窮  
夜而忘歸二公皆耆德碩儒致政于家吳人謂之三  
老

### 林氏儒孝之盛

林氏本福清人徙居吳門有諱嬰者嘗為首試第一  
登載國史儒孝傳其子曰希旦即顏相繼俱登科級  
希為樞密溢文節旦為殿中侍御史即為顯模商直  
孝士溢正肅顏為光祿卿希之子虞中詞科旦之處  
亦登第即之子摠錫出身為中書侍郎近世儒門之  
盛必推林氏云

### 國一禪師

國一禪師乃崑山圓明村朱氏捨俗為僧受業于景  
德寺法名道欽因游歷叢林遇有一道者語之云乘  
流而行遇徑而止既至双溪遂借危潭築菴其上即  
開山之祖也事載檜銘云今薦嚴寺之西有以羅漢  
名橋者蓋指國一云

### 葉少卿

葉叅字少列嘗守此郡既謝事因居焉其子清臣登  
禁從少列猶及見之范文正公嘗之詩云退也天之  
道事東南事了人風波拋路花月伴閑人湖外扁舟  
遠門中駟馬新心從今日泰家似昔時貧見子登西



拒携孫過北隣白雲高閣曙綠水後池春尊酒呼前  
華單壚香叩上真只應陰德在八十富精神其居地  
在天慶之東中有七松堂內翰道卿嘗持本路漕節  
待養道卿之子公乘又嘗守鄉郡播紳榮之善卷寺  
丞乃內  
翰之孫長于詩与祠叔父唱和其  
多世任主簿公慶叔祖四朝儀之女

### 二游詩

吳之士有思王府叅軍徐修矩者守世書万卷酣飲  
于其間至日晏忘飲食又有前涇縣尉任晦其居有  
深林曲沼危亭幽砌皮日休嘗游二君宅每為決旬  
之數篇章由贈不一号二游詩

### 安定先生

胡翼之本海陵人孝者尊其道皆稱為安定先生景  
祐中范文正公荐先生白衣對崇政殿贈祕書省校  
書郎文正上疏請建郡孝首以先生為吳興孝官繼  
移此邦先生居孝嚴條約以身先之雖大暑必公裳  
終日延見諸生以嚴師弟之礼解經有至要義懇  
為諸生論其治己而治于人者孝徒千數日月刊  
刷為文章皆傳經義必以理勝信其師說崇尚行實  
自後登科為大儒者累世不絕如滕章敏范忠宣錢  
內翰淳老皆從先生之孝者也至今孝宮画像而祠  
之

### 蘇子美飲酒



子美豪放飲酒無算在婦翁杜正獻家每夕覓書以一斗為率正獻深以為疑使子弟密察之聞讀漢書張子房傳至子良與客俱擊秦皇帝誤中副車遽撫案曰惜乎擊之不中遂滿飲一大勺又讀至良曰起始自起大邛與上會于苗此天以臣授陛下又撫案曰君臣相遇其難若此復奉一大勺正獻公聞之知之大笑曰有如此下功一斗誠不為多也

### 張伯玉郎中

張伯玉字公達嘗為郡從事剛介有守文藝甚高范文正公深愛之嘗奉以應制科奉詞云張某天賦才敏季芳聞與善言皇王之治博達古今之宜素蘊自沖清節自處堪充在賢良方正能直言極諫科其為詔也又作上都行送果中高選伯玉在蒞日述作並見蓬萊集

### 上方詩

唐孟郊因其父為崑山殿尉常至山中題詩于上方云昨日到上方片霞封石牀錫杖莓苔青袈裟松柏香晨磬無短韻晝燈含永光有時乞鶴歸還放道通場其後張祐嘗游亦有詩云寶殿依山險凌虛勢欲吞畫簷香木末香砌壓香雲根遠景寔中岫孤烟竹裏村凭高聊一望歸思隔吳門皇祐中王荆公以舒倅被旨耒相水事到邑已深夜艤舟寺之前秉火炬



登山園寺中之詩一夕和竟二公之詩詰旦即回棹  
其詩云僧蹊蟠青蒼莓苔上秋沐霜翰飢更清風蕩  
遠亦香掃石出古色洗松納空光久游不忍還迫近  
冠蓋塲峯嶺互出沒江湖相吐吞園林浮海角臺殿  
擁山根百里見漁艇万家藏水村地偏未客少幽興  
祇桑門此四詩為山中之絕唱

陳龍圖史高麗

陸睦字子雍嘉祐六年登進士科名在第二治平中  
詔宰館閣才行之士子雍與劉紘李常寧李清臣輩  
首被選擢熙寧元豐間高麗屢航海修貢朝廷以為  
恭選使往諭之初命林希之中力辭更命睦即日

就道神宗大喜語輔臣曰林希無親堅辭不行陳睦  
親在乃不憚于往因出希知池州假睦起居舍人直  
昭文館特賜黃金帶受命七日而行涉海踰月出入  
驚濤中遂抵其國使還乃真拜所假官賊且令服既  
賜金帶又賜金盞于令式外以為寇俄直危圖商知  
潭州卒墓在南峯山二子彥文經仲嘗躋法從彥武  
緯叔為提舉官

初林希樞密買卜于京師孟諤為作卦影畫紫袍  
金帶人对大水而哭林以高麗之役涉瀚海故力  
辭之後出知池州繼遭喪禍其驗不在彼而在此  
始知禍福不能避也



朱樂圃先生

朱長文字伯原未冠擢進士弟英聲振于士林元祐初充本州教授入朝除秘書省正字樞密院編修官後以疾解任退居于家以居在雍熙寺之西号樂圃坊池有高岡清池喬松壽松先生以志不得達棲隱于中潜心古道萬意著述人莫敢稱其姓氏但曰樂圃先生樂圃在錢氏时号金国方子通嘗有詩云吳門此圃号金谷主人瀟灑能文章子通又嘗著樂圃十咏一曰樂圃二曰遂經三曰琴臺四曰墨池五曰漁溪六曰咏齋七曰灌園亭八曰見山岡九曰我冠石十曰冽泉井常公安民常造先生隱居受其趨識

尚尚灑然有美于人而惜其遺逸沉晦因觀其所著續圖經遂作序以紀之

海湧山

虎邱旧名海湧山闔閭王既葬之後金精之氣化為虎踞其墳故号虎邱山椒有二伽藍列為東西白樂天有東武邱西武邱詩顏魯公亦云不到東西寺于今五十春今之五十春今之西菴既謂西武邱也虎邱也虎邱避唐諱改曰武

盧通議

盧革字仲革本德清人少奇穎奉神童年十六擢進士乙科慶歷間知楚州时蠻入寇柱管公經畫軍須



以右辨聞歷婺泉二州除廣南提點刑獄福建湖南  
兩轉運使力請即以自致神宗嘉之預執政曰盧革  
恬退如此可與一佳即遂除宣州未幾告老遷光祿  
卿致仕以子貴進秘書監太子賓客官制行改太中  
大夫哲宗踐祚遷通議大夫退居于吳十五年八十  
五卒子秉今盧提刑橋即公所居之地也先殿院既  
以敬秩養病日與賓客酌酒賦詩自娛公誠懇莊重  
有前輩之風先殿院雅好其為人朝夕與之議論公  
性不甚飲每勸之酒至三分則起而拱手曰已三分  
矣至五分則曰已五分矣其他率以是為之既去先  
殿院審執事皆曰客之言毫髮不妄由是益器重之

### 閭門樓詩

閭門曰有樓三向予犹及見之陸机吳趨行云閭門  
何我：飛閣跨通波重樂承游極回軒啓曲阿蘇子  
美詩云年華丹：催人老雲物滿：又安秋家在鳳  
凰城下住江山何事苦相留建炎兵火不復存矣

### 章守子用皂蓋

元豐中章岷之弟朝議為郡守剛介不可介屈人目  
之曰章硬勁頸其子出入用皂絹蓋肩輿不過二人

### 随缘居士

黃萊字子虛彥之子中進士乙科為雍邱縣主簿元  
符末詔許中外言事時昭慈既復位号典册有未及



正者曰上書引古義立爭之崇寧初党論起各入党籍羈置登州会赦还鄉里遂休官号随缘居士欽而  
尝書緣随二字賜之歲宸翰于家著随缘居士记書  
之于壁建炎中追録黨人除直秘阁  
公無疾端坐而逝  
葬光福山白  
題其墓曰随缘居士之塔云

### 石點頭

今虎邱千人坐旁有十點頭十道四蕃志云生公奕  
僧竺道生也講經于此無信之者乃聚石為徒与談  
至理石皆為點頭

### 軌革卦影

韓中孚字友天將游上庠聞市肆有精軌革術者友

天筮之畫一金章紫綬人有賣色瓶在其旁復有一  
人処圓圈中術士謂之曰君此行未必到闕中途必  
為貴人臥由名天未之信行次南徐遇朱行中龍圖  
為即守与之厚善詢其未倒履迎之延于郡圃朱平  
生愛一賣色酒壺因晏出示之圃中有草菴其狀甚  
圓及天寢于其間与卦影以畫無一不驗以此知不  
惟飲咏前定雖受用之物寢處之地亦非偶然者  
賣色

一作

### 夢石天王像

後唐时慧聚寺有紹明律師僧中傑出者居半山弥  
勒閣一夕夢神人曰蒼前古桐下有石天王像与銅



鍾師宜知之詰旦掘其地果獲此物今尚龕置壁  
間形製極古故前輩有詩云一旦石像欲發現先垂  
景夢鳴高岡常熟破山思高僧嘗季于紹明見本朝  
僧史

### 改正洪範

余煮字元輔方舍法欲行上書引成周事力贊之因  
命以官崇遷至正即後復上書改洪範篇自王省惟  
歲月之從星則以風雨乃屬之四五紀一曰歲二曰  
月三曰日四曰星辰五曰歷數之下謂之九疇皆有  
衍文惟四五紀無之至于八庶政之後既言肅時雨  
若止蒙常風若竟已斷矣而又加王省惟歲已下之

文則近于贅或者是其說然為臺諫所彈不果施行

### 范文正四子

文正四子純祐字天成純仁字堯夫純礼字彛叟純  
粹字德孺長子少有大志惜乎享壽不遐終軍器簿  
堯夫位丞相彛為右丞德孺亦踏法從平時文正喜  
收接名士如孫明復故胡安定之後皆出其門朝夕  
与其子弟講論道德故賢行成于所習云

### 林酒仙

國初時長州縣東禪寺有僧曰遇賢姓林氏以其飲  
酒無美且多靈異故鄉人謂之林酒仙口中可容兩  
拳嘗醉于酒家每出羣聚而覘之者不絕能自圖其



形無毫髮不相似好賦詩雖多俗語中會理致然亦  
有清婉者如云楊子江頭浪最深行人到此及沉吟  
他時若向魚波處還似有波時用心門前綠樹無啼  
鳥庭下蒼苔有落花聊與東風論箇事十分春色屬  
誰家心間增道氣忍事歆災屯謹言終少禍節儉勝  
求人若此之類皆名也真身塑寺中

### 章岷

章岷字伯鎮嘗為平江鎮軍推官文聲甚著與曾大  
父同登天聖五年第情好極密高祖殿院墓銘乃其  
所作也范文正公有和章岷從事闌茶歌及同登承  
天寺等竹閣詩

### 鮑魚

鮑廣韻吾反切魚名似鮑集魚出吳中其林狀似鮑  
鮑韻吾回切魚名鮑之小者  
隋大業中吳郡嘗獻海鮑魚乾脰四缶遂以分賜達  
官皮日休詩因逢二老如相向正滯江南為鮑魚

### 徐都官九老會

徐祐字受天擢進士第為吏以清白著身聲慶曆中  
屏居于吳日涉園廬以自適時葉公參亦退老于家  
同為九老會晏元獻杜正獻皆寓詩以高其趣晏之  
首題云買得桐宮數畝秋便追黃綺作朋倚杜之卒  
章云如何九老人猶少應許東歸伴醉吟時與會者  
終五人故杜詩及之享年七十有五終都官員外郎



子仲謀 屢把麾 持節女  
通樞密 直學士 施昌言

中吳紀聞卷之二

中吳紀聞卷之三

宋 崑山 龔 明 丑



葉道卿

葉清臣字道卿少列之子天至二年劉筠知貢奉得公  
此对策奇之擢為第二因朝以來以策擢高第自清  
臣始至元中為兩浙轉運使康定初知制誥慶歷初  
出知江寧府召入為翰林學士俄丁父憂有詔起復  
為道卿力辭不行免喪知邠州改知澶州又改青州  
永興軍皇祐初復召入為三司使帝嘗訪以禦邊之  
策公對曰陛下御天下二十八年未嘗一日自暇逸  
而叛羌黠虜頻年為患詔向輔翼之能方画之才与



夫帥領偏裨當今孰可任此者臣以為不患無人患  
有人而不能用爾今輔弼之臣抱忠義之深者莫如  
富弼為社稷之固者莫如范仲淹諳古今政事者莫  
如夏竦議論之敏莫如鄭戩方畫人才嚴重有紀律  
者莫如韓琦臨大事能斷者莫如田况剛果無顧避  
者莫如劉渙宏遠有方畧者莫如孫沔至于率領偏  
裨責能坐運籌策不必親當矢石王德用素有威名  
范仲淹深練軍政厯籍久經邊任皆其選也狄青范  
全願能取衆蔣楷況毅有術畧張亢個儁有膽勇劉  
昭孫材武剛斷王德基純慤勁勇此可補偏裨者也  
上用其言皆見信任未幾出守河陽卒公識度奇拔

議論出人意表其立朝也教以忠言鯁論啟沃上心  
而媚忌者衆竟不果大用范文正公嘗為文祭之云  
嗜季偉文琴子妙齡天然清流不雜涇涇又云高節  
莫屈直言屢諍朝廷風采播紳輝映天子知人期以  
輔政弗諧而能不曰命數語盡之矣

### 觀風樓

城之西曰建樓其上名觀風范文正公作時嘗  
賦詩云高壓郡西城觀風不浪名山川千里色語笑  
万家聲碧寺烟中靜紅橋柳際名登臨豈劉白滿目  
是詩情在唐但謂之西橋樓白樂天有西樓命晏詩  
後改為觀風今復名西樓矣



三高亭

越上將軍范蠡江東步兵張翰贈右補闕陸龜蒙各有畫像在吳江鱸香亭亭東坡先生嘗有吳江三賢畫像詩後易其名曰三高且更為塑像曜菴主人王文孺獻其地雪灘日遷之今在長橋之北与垂虹亭相望石湖居士為之記

程光祿

程師孟字公開身居在南園之側号畫錦坊自高祖思為錢唐營田使徙姑蘇擢景祐元年進士第知吉水錢唐二縣皆有政声後通判卦桂州慶曆中召近侍二十人各奉丹知于曼柳植施昌言荐公可任除

知南康軍又知楚遂二州提點夔路刑獄屬岁大飢公行部以常平粟賑之民犹不足即奏發倉以濟之吏劝須报公曰本道至都五千里报至則民殍矣遂活飢民四十餘万擢提點河東路刑獄岢嵐等郡無常平粟边民飢或竄蕃境公得請出祠部牒募民納粟置廩以備荒岁汾晋之旁山谷乏水可以灌田公為釀渠續通泉源既者無慮万頃召拜三度司支判官居一岁知洪州與利除害一方甚賴之英宗即位召判三司都磨勘司委公高度河北四榷場公利害公清减物直償闕欠以来北賈使还除利州路轉運使江南西路轉運使始江西茶禁既通賦民納



茶租謂之白紐錢民甚患之公奏令鬻茶者計斤輸  
秤頭錢代其數以寬民力至熙寧中以公之請頒下  
諸路俄傳交趾為寇遂以公直昭文館知福州一新  
季宮礼先生賢士以厚教育之意鉄錢亂帛幣公為  
罷之餽疾救荒蘇息以万計閩中父老有云自国朝  
守吾郡者謝諫議以惠愛著蔡端明襄以威名顯  
道之者惟公而已移知廣州廣控蠻粵而無蕃垣扞  
禦之備公至特作西城廣踰十二里由是廣人有自  
安之計大修季校日引諸生講解負笈而來者相  
踵諸蕃子弟皆願入季秩滿除右諫議大夫再任公  
治廣六年威愛並行上遣中使撫向台判三班院遷

給事中充集賢殿修撰判都水監改判將作監出知  
越州公至越寬猛適中而事自治民皆愛之又逾于  
洪福廣也官制行換大中大夫青社闕帥以通議大  
夫充京都東安撫使暮年政成上疏告老遷正議大  
夫致仕哲宗即位授光祿大夫卒年七十八葬橫山  
公強敏精察出于天性凡臨治五大鎮斷正滯訟辨  
活疑罪盖不可勝計所至之地图圖虛空道不拾遺  
既去民為立祠刊石頌德樂圃先生少許可至言公  
政事則曰雖韋丹治豫章孔戣帥領南常衮化石閩  
無以加也故天下以為才臣吏師有詩集二十卷奏  
議十五卷



丁晉公飯僧疏

丁晉公南遷日夢南嶽懶瓚禪師遂拾白金一笏飯僧于潭州自製齋疏云右伏以佛坐編智道育羣情凡欲拯于傾危必豫形于景貺某白衣干祿叨冢宰之重叔丹陛宣恩忝先皇之優渥補仲山之袞雖曲尽于寸心和傳說之羹實難調于衆口嘗于安寢忽夢清容妙訓洽、俾塵心而早悟真儀隱、恨凡日以何知蓋以知未周身事乖遠慮既禍臨而不測成災及以非常出向西京感圣恩而寬宥竄于南裔罔憲以甘心咎實自貽孽非他作念一家而散地思万里以何歸既為負國之目永廢經邦之術程游湘土

道假聖山正當煩惱之身忽接清閑之衆方知富貴難保始終真饒與食之榮豈若孟羹之美持形歸命恭癸精誠捐施白金充羞淨供仰苾芻之高德振懶瓚之深慈冀保此行乞無他患惟願天回南曉澤賜下臨免致边夷白日便同于鬼趣賜歸中夏黃泉亦感于君恩度罄丹誠永繫法力卑情不任激切之至  
補仲山之袞雖曲尽于寸心今多作巧心是以前晉公以智巧敗又敗之惟其曲尽于巧心是以難調于中口不知以攻巧  
時味未如寸字為切

蔡君謨題壁

張子野宰吳江因如歸曰亭撤而新之蔡君謨題壁  
向云蘇州吳江之瀕有亭曰如歸者隘坏不可居康



定九年冬十月知縣事祕書丞張先治而大之以稱  
其名之謂既成記工作之始以示于後

### 郊正夫

郊亶字正夫太倉人起于農家自幼知讀書識度不  
類凡子年甫冠登嘉祐二年進士第崑山自周朝以  
耒無登第者正夫獨破天荒後往金陵遣其子僑就  
季于王荆公嘗有贊見詩云十里松陰蔭蔭子山暮烟  
收盡梵宮寬夜深更向紫微宿坐久始知凡骨寒一  
泓石泉流沆漑數庭霜竹顛顛琅玕大鵬汎有北風  
便還許鶴鶴附羽翰荆公一見奇之今集中有謝郊  
亶祕校見訪于鍾山詩云誤有聲名只自慚煩君跋

馬過茅檐已知原憲貧非病更許莊周智養恬世事  
何時逢坦蕩人情隨分就猜嫌誰能胸臆無塵滓使  
我相從人未厭自此聲價頗重熙寧中為司農寺丞  
上書言水朝庭以其功大役重頗難之正夫條水之  
利害著成一書今刊行于世未幾復司農寺丞除江  
東運判元祐初入為太府寺丞出知温州比部郎中  
召未至而卒年六十有六葬于太倉孫升鄉登第守  
徽常二州

公初授睦州團練推官知袁州于潛縣未以水  
利役法益銅五利獻諸朝丞相王文公安石奇  
之除司農寺丞旋出提舉兩浙水利議者以其說



十非便遂罷免已而歸治此居之西積水田曰大泗  
澆者如武獻之說為圩岸溝洫井舍場圃俱用井  
田之遺制于是步入甚厚即圖其狀以獻且以明  
前日之法非苟然者復召為司農寺主簿稍遷丞  
預修司農寺敕式頒予完密除江東路轉運判官

陳君子父殿丞

陳中丞陳負德行著于鄉里其死也范文正公挽之  
云賢者逝如此皇天豈易知衆人皆墮淚君子獨安  
碑幾世傳清白滿鄉稱孝慈賢哉生令嗣遺秀在蘭  
芝公有二子曰邦曰之奇皆為吳中高士

鬱林石

陸龜蒙居臨頓里其門有巨石遠祖績嘗仕吳為鬱  
林太守罷歸無裝舟輕不可越海取石為重稱其賢  
号鬱林石

謝希深

謝絳字希深太子賓客濤之子大中祥符八年登進  
士甲科楊文公荐其才召試館職充祕閣校理景祐  
元年丁父憂服召除召試知制誥歐陽文忠公嘗云  
三代以來文章盛者稱西漢公于制誥尤得其体常  
楊元白不足多也宝元初知鄧州卒年四十有五公  
少而仕凡五十年向自守不回而外亦不甚異一時  
賢士大夫無不敬之子景初温皆為時名儒



范文正公還鄉

文政公自政府自歸鄉焚黃未至近邑先投遠狀或  
以為太過公曰維桑與梓必恭敬止 盡礼乎既至  
搜外庫惟有絹三千疋令掌 親戚及同里知旧

自大及米散之皆尽曰宗族鄉党見我生長幼季壯  
仕為我助喜我何以報之又買負郭常稔之田千畝  
号曰議田以濟養羣族擇族之長而賢者一人主之  
其計日食米一升歲衣人二緜嫁女者錢五十千娶  
婦二十千再嫁者三十千再娶者十五千葬者如再  
嫁者之數葬幼者十千族之聚者九十口歲入粳稻  
八百斛以其所入給其未仕而家居俟代者預馬仕

而之官者罷其給公雖沒後世子孫修其業承其志  
如公存也

清遠道士詩

清遠道士同沈恭子游虎邱寺詩曰我本長殷周遭  
罹歷漢秦四瀆与五嶽名山尽幽竄及此寰區中始  
有近峯翫遠峯何鬱々平湖渺渺漫吟挽川之陰步  
上山之岸山川共澄徹光彩交零乱白雲翳欲歸青  
松忽消半客去川島靜人來山鳥散谷深中見日崖  
幽曉非旦闻子盛遊傲風流足詞翰嘉茹好松石一  
言常累嘆勿謂予鬼神忻君共出蹟清遠道士竟不  
知其為何人以鬼神自謂亦怪之甚者顏魯公李德



裕皮日休陸龜蒙皆有和篇沈恭子亦莫詳其何因  
詩中有風流詞翰之称必神怪之侍也

幽独君詩

唐时虎邱石壁隐出幽独君詩二首其一云幽明雖  
夷路平昔忝工文欲知潜寐处山北有孤墳其二云  
高松多悲風蕭蕭清且哀南山接幽壑幽壑空崔巍  
白日徒昭昭不照長夜臺雖知生者樂魂魄安能迴  
况復念所親慟哭心肝摧慟哭更何言哀哉復哀哉  
其辭甚奇愴後人又有賦答幽独君一詩不知誰氏  
所作

本禪師

宗本圓照禪師乃福昌一飯頭

福昌承天寺子院

惜無所知

每飯熟必礼數十拜然後持以供僧一日忽大悟恣  
口之所言皆經中語自此見道甚明後往灵岩近山  
之人遇夜則画其寢室拜之侍僧以告遂置大士像  
人有飯僧者必告之曰汝先養父母次辦官租如欲  
供僧必有餘及之徒衆在此豈無望檀那之施須先  
為其大者其它率以是劝人仁宗嘗召至京師賜金  
襦衣加圓照師号後復歸本山

曰傳大本至京師有一貴戚欲試之因以狷倡荐  
寢本登榻鼻息如雷其倡為般若光武燦通夕不  
寐翌旦炷香拜之曰不意今日得見真佛



吳王拜郊臺

吳王拜郊臺在橫山之上今遺跡尚存春秋時王政不綱以諸侯而為郊天之率僭禮亦甚矣

范貫之

范師道字貫之文正公之侄登天聖八年甲科嘗知廣德縣有治狀孫甫之翰荐之通判許州至和元年吳育春鄉荐公召拜侍御史公之少也有經天下之志其長也遇事未嘗屈及為上耳目早夜思所以称職者始見上願擇賢相以久其任既而論奏二府与近侍不法事上多用其言俄出知常州御史府極言其不平宰相亦以是罷去而公之名跡愈聞天下移

廣東路轉運司使又移兩浙未幾拜起居舍人同知諫院嘉祐四年百官上尊号公独諫以為無益于治体而有損圣主謙尊之德至言諸閭女御例遷日災彘以明天意上皆深然之並遷侍御史知雜事会大臣居机宥者無遠謀继而進者不復協时論公論列甚切上雖納其奏然用是出知福州召為三司鹽鉄副使嘉祐八年以疾請除戶部郎中直龙圖閣下車未久卒年五十九公出入臺諫凡九載朝廷之事聞無不言必欲行如擇宗室以脩向安之戚請士大夫終葬始得從仕限民田以均民產抑貪墨以清守令止内降以杜漸立私畜以廣孝擇知典故近臣以



任太常礼樂之官減色役以恤民力之困皆天下之急務而衆所願行者有奏議二十卷文集五十卷嘗為唐史著君臣治忽之跡命藏祕閣有詔褒美子在京世亮皆居進士第所居在承天寺前号号冠坊葬天平山趙清猷公志其墓

### 南翔寺

崑山縣臨江鄉有南翔寺初寺基出片石方徑丈餘常有二白鶴飛集其上人皆以為異有僧号齊法師者謂此地可立伽藍即鳩財募衆不日而成曰聚其徒居焉二鶴之飛或自東未必有東人施其財自西未必則施者亦自西至其他皆隨方而應無一不驗久

之鶴去不返僧号泣甚切忽于石上得一詩曰白鶴南翔去不歸惟留真跡在名基可憐後代空王子不終絕董修享二时曰名其寺曰南翔寺之西曰又有村名白鶴

### 張敏叔

張景修字敏叔人物瀟灑文章雅純登治平四年進士第雖兩為憲漕五領郡符其家極貧窶僦市屋以居嘗有絕句云茅檐月有千金稅稻飯年無一粒租生事蕭條人向我水芭蕉与石菖蒲現其詩大抵多清淡嘗題集清軒詩云洗竹放教風自在倚溪看得月分明又多好用俗語如得五品服詩云白快近未



逢素鬢未穷今日得朱袍又謝人惠油衣云何妨包  
裏如風藥且免淋漓似水鷄蓋以文涓稽也旧嘗作  
古風送朱天錫童子云黃金滿籬富有餘一經教子  
金不如君家有兒不肯娛口誦七經隨卷舒渥注  
從來產危駒鸞鸞乃是真鳳雛一朝遇我父子俱  
自称穷苦世為儒雪寔直映孫康書春隄晝荷兒  
寬鋤翻然西入天子都出門慷慨曳長裾神童之  
科今有無談經射策皆壯夫古來取士凡幾塗但  
願一一令吹竽甘羅相奏理不诬世人看取掌中  
珠折腰未便賦歸欵待君釋褐还鄉里問初景修  
為汝州梁令作此詩天錫既到闕忘取本州公據

為礼部郎却因擊登聞鼓繳景修詩為証神宗一見  
大稱賞之翌日以語宰相王珪而恨四方有遺材即  
令召对珪言不欲以一詩召人恐長浮競不若俟其  
秩滿然後擢用之遂止令中書籍記姓名比罷官而  
神宗已升遐矣景修歷事三朝每登对上必問閭鄉  
作朱童子詩誠為軒輊由此詩名益著終祠部郎  
中年七十餘卒平生所作詩幾千篇号張祠部集  
子漢之漢之嘗宰崑山願緩于索租邑人戲云渠  
家自來無此故不與人索也敏叔有花客詩十二  
章○梁縣原汝州

崑山夫子廟



唐制郡邑皆得置夫子庙自黄巢之乱存者無幾  
皇山之庙更五代五六十年不達建自本朝太平  
興國二年錢氏納土清吏朝廷始除守以治之至  
雍熙初徵仕郎边佐首為崑山宰因其遺址為作  
記立夫子庙門闕甚麗狀十哲像于其旁王元之  
為作記景祐初范文正請立郡庠于是縣亦有学  
矣

### 孫子和

孫冲字子和登熙寧六年進士第少負才名為荆公  
之客嘗著鄉党傳說二論荆公甚奇之後宰和之舍  
山号為循吏律已甚正一毫無妄取秩滿率家人解  
其帟裝老獲有蓄一砧者子和視之曰非吾未時物  
也命还之在其他大率類此鶚章交上改宣德即未  
幾卒于京師年三十有五無子以族妹峻為嗣峻嘗  
倅江州終朝請大夫

子和妻子之姑氏又与叔祖朝議為同年叔祖嘗  
以詩挽之云結髮欣同籍聯姻喜素風期君千里  
逸耀我一枝穷新命拖紳後殘編旅苟中空餘循  
吏傳紀次在元豐

### 張翰

東晉張翰吳人仕齊王罔不樂居其官一日在京師  
見秋風起曰作歌曰秋風起兮佳景時吳江水兮鱸



正肥三千里分家未歸恨難得兮仰天悲遂弃官而  
还国初王贇運使過吳江有詩云吳江秋水灌平湖  
水洶烟深恨有餘目想李鷹當日事歸來未必為萼  
蘆贇之意謂輸度時不可有為故飄然遠去實非蘆  
也至東坡三賢則曰浮世功名食与眠李鷹真得水  
中仙不須更說知幾早早為萼魚也自賢其說又高  
一著矣

皮日休

友日休字美唐咸通十年為郡從事官終一月陸  
魯望以其業見之自此交從甚密更迭唱和無慮數  
百篇總目之曰松陰集松陵吳江列名也日休自有

著述号鹿门子書

橋名

城中有橋梁三百六十段每橋刻名于旁者始于即  
守韓子又度支兵火後向有缺者

福昌長老正橋頗具眼禪林多宗之一日升座有  
問話者云蘇州三百六十座橋那座是正橋答云  
度驢度馬

賀方回

賀濤字方回本山陰人徙姑蘇之醋坊橋方回嘗  
游定力寺訪僧不遇回題一絕云破冰泉肌漱籬  
根坏衲犹疑掛樹猿螭屐旧痕渾不見東風先為



我開門王荆公極愛之自此聲價愈重有小築在盤門之南十餘里地名橫塘方回往來其間嘗作青玉案詞云凌波不過橫塘路但目送芳塵去錦琴華筵誰与坐月橋仙館綺窓朱戶惟有春去知處碧雲冉冉衡皋暮綠筆新題斷腸句試向閑愁知幾許一川烟草滿城風絮梅子黃時雨後山谷有詩云解道江南腸斷句只今惟有賀方回其為前輩推重如此初方回為武弁李邦為執政時力荐之其畧謂切見西頭供奉官賀某老于為季泛觀古今詞章辯道議論迴出流輩欲望改換合入文賦以示聖時育材進善之善意上可以奏因易文階積

官至正郎終于常侍

### 白公檜

白樂天為守時息信及民皆敬而愛之嘗植檜數本于郡園後人目之為白公檜以况甘棠焉

### 癸甲先生

潘勺字叔治登進士第為吳興郡都掾後絕意祿仕仕徧游天下住山水為嘗為雁蕩百咏其末云却為畫工圖不得一時收拾作詩歸自号為癸甲先生或向其故曰始終之義也後果以癸日亡甲日殮

### 方子通



方維深字子通本莆田人其父屯田公葬長洲縣曰  
家焉最長于詩嘗過黠淡灘題一絕云溪流怪石礙  
通津一一採舟若有神自是世間無妙手古來何事  
不由人王荆公見之大喜欲收致行下蓋荆公欲  
行新法沮之者多子通之詩適有契于心故為其  
所喜也後子通以詩集呈荆公侑以詩云年來身  
計欲何為跌宕無成一軸詩嬾把行藏問詹尹願  
將生死遇秦醫丹青效虎殊心拙斤匠良工入手遲  
此日知音堪屬意枯桐正在半焦時凡有民作荆  
公讀之必稱善謂深得唐人句法嘗遺以詩曰君  
詩精純警絕雖元白皮陸有不可及子通游王氏

之門極蒙愛重初無毫迎合意後以特奏名授興化  
軍助教隱城東故廬與梁圃先生皆為一時所高每  
却使者及守帥下車必即其廬而見之前後上章論  
薦者甚衆子通竟無祿仕意其于生死禍福之福莫  
不超達嘗造一園亭不遇主人自盤礴終日因題  
于壁間云何年突兀庭前石昔日何人種松柏乘  
興恣來就榻眠一枕春風君莫惜城西今古陽山  
色城中誰有千年宅來往何必見主人主人自有  
亭中客其洒落類如此仲殊一日訪子通有絕句  
云多年不見見玉川翁今日相逢小榭東依旧清涼  
無長物只餘松桧養秋風可見其清高矣年八十三



而卒有詩集行于世無子一女適樂圃先生之子發

### 破山詩

廷詩云竹逕通幽處禪房花木深山光悅鳥性潭影空人心題常熟破山也曰傳有四高僧講經山中一老翁日來聽法久之問翁既從來答曰吾非庵也人也因問本相可得見乎曰可已而果以全休見僧恐甚急誦揭諦咒語揭諦神与龙角力龙不能勝破其山而去續圖經所載不同謂白龙與一龙鬥未知孰是

### 甫里

甫里在長洲縣東南五十里乃江湖散人陸龜蒙字魯望躬耕之地散人廬食于此一方之人至今想其高風常誇示于四方以為榮焉唐書云散人乃唐相陸元方七世孫又自号天随子著笠澤叢書若干卷

### 有脚書厨

叔祖諱程字信民剛正自守不惑于禍福嘗憤聖道不明欲排異端之季家不置釋老像祭祀未嘗焚紙錢儒家甚宗之自幼讀書于南峯山先都官墓廬攻苦食淡手未嘗釋卷記向精雉經傳子史無不通貫鄉人号為有脚書厨嘗題一絕于壁向



問云月度珠樓起更慵坐聽澄照五更鍾却思湖  
上西風急風送山前萬家箇松登熙寧六年進士  
第歷西安丞桐廬令子况既登即省贈左朝儀大  
夫

### 秦娘

秦娘吳之婦美婦人也劉禹錫詩云有時粧成好天  
氣走上皋橋折花戲風流太守韋尚書路傍忽見停  
車旗

### 南園詩

南園乃廣陵王曰圃中有流盃旋螺亭亞于滄浪之  
景王黃州為長洲時無日不携客醉飲嘗賦詩云他

年我若成功後乞取南園作醉鄉今園中大堂遂以  
醉鄉名之大觀末蔡京罷相欲東還詔以其園賜之  
京即以詩贈親党元八年帷幄竟何為更賜南園窻  
太師堪笑當時王季士功名未有便吟詩黃州之詩  
不過寓意耳京遽以無功名誦之黃州雖終為黜臣  
其名與天地同不朽京居相位二十年又處師垣之  
尊至今雖三尺童子唾罵不已其賢不肖何如也

### 朱子奢

朱子奢蘇州人太宗時為宏文館季士帝嘗詔起居  
記錄臧否朕欲見之子奢曰陛下季季無過事雖見  
無嫌然以此聞後世史官之禍可懼也帝深納之見



唐書儒李傳

錢氏納土

太平興國三年陳洪進奉表獻漳泉兩郡詔授洪進武寧軍節度使留京師奉朝請是歲錢忠懿王俶上表獻十三州之地錢氏納土蓋在陳氏之後或說以為興國二年非也

白馬澗

南峯山北有聚落号白馬澗昔支遁騎白馬而未飲于澗中因以名焉山之巔有石埒然号馬跡石又于一石室号支遁菴乃其修習之地也

禪月大師

壽萬壽寺有禪月閣禪月者唐僧貫休也生于婺之蘭溪自祝髮為僧編參名德入善作詩文有西嶽集行于世性好圖畫古佛嘗自夢得十五羅漢梵相既而尚缺其一未能就夢中復有告之曰師之相乃是就如所告因照水以足之今其畫尚傳既至吳寓跡萬壽甚久後入蜀死葬于城都平生行業俱載白蓮塢銘



中吳紀聞卷之三終

中吳紀聞卷之四

宋崑山龔明之

太公辟地處

常熟海隅山有石空十畝昔太公辟紂居之孟子謂太公辟紂居東海之濱者此也常熟去東海正六十里故謂之海濱楊修即中嘗作詩紀其事

范忠宣公

范純仁字堯夫為人寬厚長者文正嘗使至鄉還至京口見石曼卿數喪未奔尽以麥舟与之蘇黃門稱其為佛地位中人觀此亦可以見矣元祐初自慶師召為給事中遂執政柄未幾拜右僕射凜然有父風



烈為宰相一年出知潁昌府既而復入相府坐元祐  
黨遂散官安置元符三年徽宗即位復欲召為相尋  
即下世遺表有云蓋嘗先天下而憂期不負聖人之  
季此先臣所以教子而微臣所以事君後御題其墓  
碑云世濟忠直之碑子正平字子夷思字子默季行  
亦為士林所稱

### 滕章敏公結客詩

滕章敏公慷慨豪邁不拘小節少嗜酒浮湛里市與  
鄭毅夫為忘形友議論風采照映一世嘗與毅夫及  
楊繪元素同試京師自謂必魁天下與二公約若其  
言不驗當辱致其罰已而鄭居榜首楊次之公在弟  
三二公責其約之金答曰一人解一人會吾安得不  
居第三俱一笑而散公平生不妄交游嘗作結客詩  
云結客結英豪休同兒女曹音金裝背鐵猛獸畫旂旄  
北閣芒星落中原王氣高終令賀蘭賊不著赭黃袍  
其立志可見矣

### 思賢堂

郡齋後曰有思賢堂以祠韋白列三太守後更名三  
賢紹興末洪內相景巖為郡益以唐王常侍本朝范  
文正之像復孺為思賢堂今參政范文正公作記即  
序三有三賢堂繪文正范公并安定胡先生及光祿  
朱公像于其中



顧季正

顧襄字公甫為太季上舍生名聲藉甚士流皆推之  
登熙寧九年第調潤州丹徒尉召還為太季正元豐  
五年卒于京師時二親猶在鄭連夫太宰為與公甫  
為同舍生以詩挽之云可惜病相如誰尋封禪書  
公病而雙親千里外一葉九秋餘風露翻帟翫塵埃銷  
故廬荒邱山下路含葬有鄉車廣文官舍冷如水幾  
嘆朝衫脫未能忽買春田埋玉地猶懸絳帳讀書燈  
佳名空綴仙都石沙碣爭傳海寺僧一幅粉旌春水  
漫惜君誰不涕奔騰

鄭希尹

鄭景平字希尹居帶城橋為人剛正不詭隨蒞官有  
廉聲嘗為大理每有疑獄中夜焚香露拜漸得其情  
以故人無寃死者既而請老家居朝廷以其精力有  
餘落職致仕守鄣易到官未半月安拂袖而歸先君  
與公厚善因問其故荅曰天子命景平為郡守當以  
撫字為職乃不得行其志今日須金幾百兩明日須  
金幾千兩枯骨頭上打不出也景平後世要人身在  
其志竟不可奪也時朱勗用事勢可炙手士大夫俛  
節從之甚多惟公始終無附意子緝字天和

贊詩

程光祿自幼悟穎年五六歲時戲劇竈下家奴媠之



曰汝能挾劣尔豈解為文章邪公怒曰吾豈不能家  
奴曰試為我吟一燒火詩即應声曰吹火鶯唇歛投  
柴玉腕斜回看烟裏面恰似霧中花甫冠冠登第

### 王元之画像

虎邱御書閣下有王黃州画像東坡過蘇日見之自  
謂想其遺風餘烈願為執鞭而不可得因為之作贊  
今犹書其上

### 雙蓮可堂

雙蓮堂在木蘭堂東曰芙蓉是也至和初光祿呂大  
卿濟叔以雙蓮花開故易此名楊脩郎中有詩云雙  
蓮倒影面波光翠盖風搖紅粉香中有画船鳴鼓吹

督然驚起兩鴛鴦政和中盛密李季文作守亦產雙  
蓮范無外賦木蘭花詞云美蘭堂畫永宴清暑晚迎  
涼控水檻風簾千花競擁一朶偏双良塘不傾醉眼  
訝湘娥倦倚兩霓裳依約凝情鑑裏並頭宮函高粧  
蓮房露臉盈。無語処恨何長甫裴翠憐紅鴛央妒  
影俱断柔腸淒涼芰荷暮雨褪嬌紅換紫結秋房堪  
把丹青对画鳳池歸去携將

### 孫若虛滑稽

孫實字若虛早年英声藉甚性嗜好滑稽郡屏有同  
舍生牛其姓者曰作牛秀才賦朝之云腰帶頭垂尚  
有田單之火撲頭脚上犹闻審戚之歌又作書語集



句訊一老生云致：為善鳴起先生之道斯為美  
四十五十無聞焉斯亦不足畏也已樂圃先生為教  
授知之命其父訓教孫由此發憤游太學不數安登  
第而歸嘗入朝為寺丞後守台州卒

慧感夫人

慧感夫人曰謂之圣姑或以為大士化身靈異甚著  
祝安上通守是邦事之尤謹每有水旱惟安上禱祈  
立驗後以剡荐就除台守既至錢塘詰旦欲渡江夢  
一白衣婦人告之曰未日有風濤之險既竟頗矣之  
卒不渡至午颶風倏起果覆舟數十独安上得免一  
夕盜之祠中竊取其幡明日廟史入視之見一人以

幡纏其身環走殿中因執以問答曰某實盜也夜半  
幸脫已踰城至家矣今不知潛制于此神之威靈使  
然敢不伏辜建炎間賊虜將至城下有一居民昔平  
謹于奉祀事夢中告之曰城將陷矣速為之避謹勿  
以此告人佛氏所謂劫數之說不可逃也不數日兵  
果至其他神驗不一後加封慧感顯祐善利夫人今  
參政范公作記

元少保

元絳字厚之居第在帶城橋登天圣五年進士甲科  
初任金陵幕官尋即進用屢為藩郡冲时有傳儂  
智高餘党寇二廣者遂以公知廣州而此傳乃妄因



改之越州公謝上表云忽聞羽檄之音謂有神編之  
警橫水光明之甲得自虛聲雲中赤白之堂偶為危  
事橫水光明之甲乃唐時誤傳寇至事見李德裕獻  
替記人服其工公在金陵時王荆公之父益為通守  
與公厚甚荆公既相神宗一日欲謹選翰林季士公  
久在外老于從官荆公對曰有真翰林季士但恐陛  
下不能用爾况已作危圖閣季士難下選知制誥遂  
自外遷翰林季士中外大驚既就列有稱或之者公  
最長于四六多取古今傳記佳語為之神宗友愛嘉  
岐二王不許出閣二王固辭後因改封先公謂之  
曰可于麻詞中勿令更詳公遂草制其畧云列第環

宮弥聳開元之盛側門通禁共承長樂之顏神宗甚  
愛之自是二王不復辭未幾參大政元豐中罷政知  
潁州時以藩帥升為順昌軍節度公作謝表云濤土  
立社是開王者之風乘危御天厥忘聖人之作按圖  
雖曰錫命維新又曰與言駿命之慶基宜申中軍之  
望府謂文武之德順而聖唐虞之道昌而明昌合為  
嘉名以侈旧服士大夫皆傳誦之後以太子少保致  
仕歸吳中公既還鄉與程允祿諸公為九老會日以  
詩酒自娛年七十餘卒有玉唐集三十卷初公知荆  
南嘗夢至仙府與三人連書名榜有告之曰君三人  
蓋兄弟也竟而思之不知其謂既入翰林為季士韓



持国维揚元素繪在院一日回書奏列各三人偏榜  
終始寤夢中兄弟之意既而持国元素皆補外公亦  
尹京北後三年復与元素还職而鄧文約縮相繼為  
直院則三人名又皆從綠蓋始終皆同以此知升  
沉進退决非偶然者許大夫選嘗作四翰林詩記其  
事公和云連名適似三株樹傳玩驚看五朶雲此亦  
一時之異也

### 仲殊

仲殊字師利承天寺僧也初為士人嘗与鄉荐其妻  
以藥毒之遂弃家為僧工于長短句東坡先生与之  
往來甚厚時：食密其藥人号曰密殊有宝月集行

于世慧聚寺詩僧享草堂以其喜作艷詞嘗以詩箴  
之云大道久凌遲正風还墜塵無人整頓綱目乱空  
蕩悲卓有出世士蔚為人天師文章通造化動与王  
公知囊括十洲香名翼四海馳肆意放山水洒脫無  
羈縻雲輕三事袖餅錫天下 詩曲相向作百紙頃  
刻為藻思洪泉馮翰墨清且奇惜哉大手筆故為  
系詞顛頂持此才奮起革澆漓驚彼東山嵩圖祖進  
豐碑再續輔教編高步凌丹墀它日僧史上万世為  
蒼龜迦葉聞琴舞終被習氣随伊予浮薄人贈言增  
忸怩倘能循我言佛日重光離老字之言雖苦口殊  
莫之改一日造郡中接坐之間見庭下一婦人投



牒立于兩中守命殊詠之口就一詞云濃潤侵衣暗  
香飄砌雨中花色添顛顛鳳鞵濕透立多時不言不  
語厭：地看上新愁手中文字因何不情鱗寄想伊  
只訴薄情人官中誰管閑公事後殊自經于枇杷下  
轉薄子更之曰枇杷樹下立多事不言不語厭：地

如村

胡蟬字仲達五柳之子文与行皆能繼其父与方子  
通為忘年交後以年格推調安遠尉非其志也乃取  
老杜諸孫貧無事完舍如荒村之句自号如村老人  
治圃築室遺外声利自放于闲適而終不出仕有文  
集二十卷号如村况橋惟室先生及參政周公葵皆

為序子伯能登進士第

鄭毅夫吴江橋詩

鄭勇字毅夫嘗作吴江橋詩寄刘攽叔林云三百蘭  
干銷画橋行人波上踏灵鼈挿天蟬竦玉腰阔跨海  
鲸鯢金背高路直鑿元氣白影寒壓波大江豪山中  
自与颶河接不必仙槎八月涛时为吴江尉亦有和  
篇皆刻之石鄭詩題云寄同年叔林秘校刻于诗前  
具位加榜眼二字于其上乃原父之弟也

張幾道挽詩

張僅字子道居万寿寺橋与頽棠叔思皆為王荆公  
門下士荆公修三經義二公与焉幾道登第未幾損



捐舒方子通作挽詩云吳郡聲名頽與張苞門當日  
共升堂青衫始見登華省丹旒俄聞入故鄉含淚孤  
兒生面始斷腸慈母滿頭霜嗟君十載人間事不及  
不及南柯一夢長至今誦其詩者為之出涕吳人目  
子通為方挽詩幾道官至著作郎

### 范文正不取燒煉方

范文正少養于朱氏朱南京人文正幼年肄業京李  
同舍為有病者親為調藥以療病亟屬文正曰吾無  
以報子平生有一術遠遊方未嘗窮乏者用此術也  
今以遺子曰授藥一囊方書一小冊文正不得已而  
之未嘗取視後二十餘年得其子還之封記如故

### 夜航船

夜航船惟浙西有之然其名曰矣古樂府有夜航船  
之曲皮日休答陸龜蒙詩云明朝有物充君信糯米  
三瓶寄夜航

### 俗語

吳人呼耒為耨始于陸德明詒我有年蓋德明吳人  
也又吳人言罷則以休繼之始于吳王一日吳王語  
孫武子曰將軍罷休亦吳語也

### 方子通詩誤入荆公集

方子通一日謁荆公未見有詩云春江渺渺抱牆流  
烟草茸茸一片愁吹尽柳花人不見春磯催日下城



頭荆公親書方策間曰誤載臨川集後人不知此詩  
乃子通作也

### 盧發運

公諱秉擢元祐二年進士第元豐中為發運使其父  
太中公退老公每歲上計得請歸鄉後帥涇原懇辭  
歸養屢賜手詔慰勉時以為榮

### 大雲翁

林宓字德祖旦之擢進士第為常州教授在職六年  
季者益信服大觀二年大比試決科者四十餘人于  
是賜詔曰閱前日賓與之數較其試中多寡惟常州  
為最苟依常格推恩非古人進賢受上賞之意特改

宣德郎郡守曰以進賢揭坊名于季之南郡人榮之  
後除河北路提舉季士任滿除開封府左司錄居數  
月浩然有扁志優召如臥謂公既勇退屏置朝服足  
不踐州縣曰隱在大雲坊曰自号大雲翁卒年六十  
六葬博士塢平生好古嗜季有大雲集一百卷神宗  
皇帝全訓錄一十卷

### 花客詩

張敏叔嘗以牡丹為賞客梅為清客菊為香客瑞香  
為佳客丁香為素客蘭為幽客蓮為淨客酴醾為雅  
客桂為仙客薔薇為野客茉莉為遠客芍藥為近客  
各賦一詩吳中至今傳播



中吳

平江本吳國在秦原會稽郡東漢分會稽置吳郡陳  
為吳州隋為蘇州大業末復為吳郡唐武德中復為  
蘇州乾寧中錢氏據錢塘蘇吳之南悉其奄有後唐  
為中吳軍節度皇朝興國中置平江軍節度又復為  
之蘇州嘗為衛宗潛藩遂陞為府

祖姑教子登科

余之祖姑通知泉州德化縣李処道祖姑甚有文讀  
書通大義賦詩書字皆過人其子授登進士第乃祖  
姑身親教也晚而事佛誦蓮經皆千過嘗向法于圓  
照禪師名之曰守安年幾七十而卒既得疾即屏

藥餌書佛頂咒焚之丸為灰并以燃灯法授援曰我  
死置灰丸怀中燃燈如法因起坐誦大士名号久之  
而化既小殮視其手指屈結皆成印相佛徒嘆服沙  
門為不可及張文潛季士為墓志首記其事

范祕丞

范世京字延祖范圖公之子登皇祐五年進士第調  
應天府柘城簿和州歷縣令時范圖公出守四明公  
急走膝下曰人子者事親之日少而事君之日多豈  
忍曠年失定省耶既而范圖損館扶喪歸鄉垢面洗  
足晝夜哀号不絕行道之人莫不嗟測服除知秀州  
海鹽縣勸民孝友睦姻及耕桑之事治声動浙江右



熙寧初朝廷銳意改作召公管勾湖北廣惠倉至京師論不合乃辭歸曰治海旁之民間公復未騷呼鼓拊已而有疾乞以本官歸田里乃卒詔授祕書省致仕享年四十一公居鄉與樂圃先生甚厚有文集若干卷藏于家

### 徐朝議

徐師閔字圣徒仕至朝議大夫退老于家日治園亭以文酒自娛樂時太子少保元公絳正議公師孟朝議大夫同邱公孝終亦以安者曰相會繼會昌洛中故事作九老會章為即守大置酒合樂會諸老于廣化寺又有朝請大夫王玘承議郎通

判蘇温与馬上賦詩為信諸公皆屬而和之以為吳門盛事元公少保和篇云五日佳辰郡政閑延賓談笑豁幽閑門歌舞尊罍上林屋烟霞指頽向德友臨穎尾年拘皎髮下霜顏昌花美酒珠鍾永坐見斜暉隱丰山方子通亦有和篇云使君瀟灑上賓間金地無人風無声来世問詩成郢客爭揮翰曲罷吳娛姬一破顏此節東南無此会高明千古映湖山章叔以五日開宴故上詩皆及之

### 顏夫子

顏長民登元豐二年進士第三子亦為字亦相繼擢



科系字君用終提奉常平為字仲謙終辰陵字字瑞  
中崇觀間有聲于太季士行甚美每試必居前列皆  
目之為顏夫子人欲識其面而不可得既登第滕樞  
康許嫁以女尋即下世

### 信義縣

崑山在蕭梁時分麥置縣号信義屬信義郡大同初  
分信義置崑山烏華亭曰亦在蘇之原邑或云嘗割  
崑山之境以縣華亭今華亭亦有崑山時人嘗以片  
玉比机雲兄弟而以此為北崑山縣旧有城古圖經  
東三百步今謂之東城者近爰耕者于荐巖寺田中  
得城磚甚多及箭鏃以銅為之識者疑其為春秋時

物今縣之西二十里許有村曰信義如麥縣之存旧  
名也俗遂訛為鎮義汴人龔琦仕至殿中仕侍御史  
居于村之南曰揀良杏枝活時人異之目為遇仙云

### 李漁悔

李漁悔名行中本雪川人徙居淞江高尚不仕独以  
詩酒自娛晚治園亭号醉眠東坡先生与之游直以  
詩贈之無悔有讀顏魯公碑詩云平生肝膽衛長城  
至死罔回色不驚世俗不知忠義大百年空有好詩  
名又賦佳人嗅梅罔云蚕梅鴉髻綾金衣析得梅花  
第幾枝嗅尽不餘香不回面思量何事立多時其詩  
意尚深遠大類此



蟹

吳之出蟹曰矣吳越春秋云蟹稻魚遺種又陸魯望集有蟹志云漁者緯蕭承其流而障之曰蟹斷又曰稻之登也率執一穗以朝其魁然後縱其所之今吳人謂之輸芒

大本錢王後身

圓照在靈岩寺時有一藍縷道人自号同水客往造其室中守門者莫能過既而圓照屏侍者与語窃聽之者聞圓照末後一語云汝今幾甲子矣荅曰八万千恆河沙數甲子圓照云八万千恆河數甲子以前又作麼生道拂袖而出云錢大錢大又待瞞人也

當時疑圓照為吳越後身道人為洞賓

却正夫失鶴詩

正夫童時作失鶴詩云久銷冲天鶴金卷忽自開無心意也沼有意出塵埃鼓翼離幽砌凌雲上紫臺及陪鸞鳳仙島任徘徊其志已不凡矣

黃姑織女

崑山縣東三十六里地名黃姑古老相傳云嘗有織女牽牛星降于此地織女以金篦劃河水湧溢牽牛因不得渡今庙之西有水名百沸河鄉人異之為之立祠按荆楚岁时記黃姑者河鼓也牽牛謂之河鼓後人訛其声為黃姑潘子直云亦犹牽落之語轉耳



為牽郎耳鄉人因以名其地見于題咏甚衆古樂府云東飛百勞西飛燕黃姑織女時相見李太白詩云黃姑織女相去不離盈尺李后主詩云迢迢牽牛星杳在河之陽梁黃姑女歌迢相望列筠內翰詩云百勞東翥燕西飛又振黃姑織女期其它不能盡載雖非指此黃姑然得名之由亦可類推祠中列二像建炎兵火時士大夫多避地東岡有范氏者經從祠下題于壁向云高颺初至月埋輪烏鵲橋邊綽約身間道佳夕惟一夕曰何朝暮對斯人鄉人遂去牽牛像今獨織女存焉禱祈之間靈跡甚著每至七夕人至合錢為青苗會所收之多寡持盃投向之無毫釐不驗一方甚敬之上有扁記今不復存矣

### 孫積中

孫載字積中其曾祖漢英仕錢氏嘗為蘇州崑山鎮防遏使故為崑山人公初岐嶷如成人既季為師友所推譽治平二年進士及第為河中府戶曹更三守皆立威嚴者公獨与之爭曲直論畧不少下終以此見知或稱薦之中書檢正官察訪閩中辟公為官屬公務飲助之亦不苟与之合乾祐縣去豐最遠青苗法行朝乾祐不以予民察訪起移其令檄公往之公還言邑小民貧其徒以黍麥博易為且法之初民未知稱貸于公家為利令無且還其任用薦者



官知湖州德清縣公聰斷精明不專任刑罰聞說其是非出于至誠訟有累年不決者聞公一言感悟相捨去熙寧八年吳越飢獨縣中熟公勸大家乘時倍糴得米一十餘萬斛明年春米價騰踴公平其直使糴賴以全活者至不可數計其他便民者別十有數事德清人至今德公又用荐者至今遷官知考成縣官制行換奉議郎其治考城如德清于當日也以最間縣四鄰皆重法地素饒盜公明常格嚴保伍奸無以囊橐一日都監与尉未告盜集境上將以上元掠近郭至期公張燈与其僚樂飲許民嬉游不禁夜如故事盜測遂遁去迄公代受亦無復鼠竊者府界提

點荐公于朝他使者亦相繼上公治狀神宗出氏名付中書蓋欲用公矣未幾除廣東路常平官見便殿以遣之二廣使者春夏<sup>初</sup>二箇出公至則犯隆暑徧行此部宣布德意哲宗即位轉承議郎諸路常平官廢公赴吏部授通判陝州移廣東轉運判官于是公去嶺五年矣吏有常不快于公者頗欲弃官公聞而憇畱之乃奔烏紹圣初復諸路常平官除公河北西路改知海州已而除沂州與季養士走書幣招礼宿儒為季者師表治務大休遷朝奉大夫知婺州移淮東路轉運判官又移淮西路提點刑獄徽宗即位遷朝奉大夫知亳州言者謂公嘗附荐元祐党人得提奉



杭州洞霄宮即扁崑山日與親戚間里置酒奕棋道  
故曰為樂任且滿本路使某等言公先朝既選擢名  
在循吏年雖高精力幸未甚衰願使再任以示優老  
之意詔從之大觀中遷朝議大夫未幾公亦自上章  
乞守本官致仕公體素無疾先一月至其先人墳隴  
徧謁諸父往來者若將別然既亟呼妻子訣與屬以  
後事問曰早晏盥手焚香即寢而逝享年七十有  
五葬高景山公天資樂易于吏治尤武長使四路典  
三大郡咸著循跡每遇物無忤害此至汲引其屬士  
大夫受荐者至四百餘人多知名且貴顯于世者自  
少喜讀易慕唐人為詩著易釋解五卷文集五十卷

藏于家

王主簿

王仲甫字明之岐公之猶子風流翰墨名著一時後  
客于吳門嘗有詩受往京師為岐公強留之逾時不  
返因作詩云黃金零落大刀頭玉筋歸期未到秋紅  
綿寄魚風逆浪碧簫吹鳳月當樓伯芳知我經春別  
香蟻窺人一夜愁好去渡江千里夢滿天梅雨是蘇  
州此詩效古樂府橋砧今何在休人皆愛其巧其沒  
也丁永州注葆光祭之有云奕秀豪技出于天噴談  
經咏史博識周知文華自得不務競時古格邊休率  
意一揮金玉鋸揚組繡陸離世俗既得特其歌辭又



云生習華貴不見艱巖徘徊鸚鵡出入鳳池乘輿南  
游曠遠之羈朝賞夕宴選勝搜奇擺脫冠裳却去輪  
蹄不驚榮辱不向是死搜、可結付于一卮頽然終  
日去智忘机王之為人于此可見矣

著作王先生

著作王先生程門高弟諱蘋字信伯世居福之福清  
父仲奔授平江政和元年卒葬吳縣橫山桃花塢誌  
其墓者江公望書其誌者陳瓘也先生為人清純簡  
易達于從政有憂時愛君之心有利物成預務之志  
高宗駐驛平江守臣孫佑薦于朝賜對前後尚上  
疏劄類切于時宜聖諭以通儒目之賜進士出身除

祕書省兼史館校勘遷著作佐郎受敕止朱墨史官  
至左列奉郎与門人陳長方楊邦弼講道于鎮澤如  
楊龜山尹和靜故胡文定皆深推讓吳中道季之傳  
莫于先生紹興二十三年卒于家奏湖州長興縣  
和平鎮茅栗山門人章憲撰誌吳中陶中皆祠于季  
其子大本兩浙安撫司參議生平著論語集解  
古今語說著作文集并高宗所賜敕及遺像震澤記  
善錄至今藏于家子孫世守府城德慶坊故居云



中吳紀聞卷之五

宋 昆 山 龔 明 之



唯室先生

惟室先生姓陳氏諱長方字齊之其先本長樂人父  
忱字復之擢進士第娶林氏大卿旦之女大雲翁氏  
之妹與陳了翁交從甚密了翁謫廣州忱以書賀之  
至千餘言由此得罷又嘗從游定夫深得治身養心  
行己接物之道故其子亦為道季之士惟室因外家  
居于步里經日閉戶研窮經史有詩各万里客談又  
有漢唐論俱行于世其弟少方字同之亦端慧不羣  
号二陳



姑蘇百題詩

楊循郎中天圣中為長溪令夢中忽作詩曰月俸錢  
跌錢數甚微不知從官幾時歸東吳一片相波在欲  
向何人買釣磯及寤心潛美之明道初宰華亭俄丁  
內艰遂家于吳中樂其風俗之美安而弗遷因寤夢  
中事作幾于前定尝效白作我愛姑蘇好十章居  
吳中既久風土人物皆深詳之又作姑蘇百題詩每  
題箋釋其事至今行于世

范祕書

范雎字伯達予之同舍也尝试禹稷顏回同道論先  
生見之以為奇作置之魁遷遂馳譽于太学者至

今以為模範入館除祕書郎今參政公即其子也

張子韶与周煥卿簡

崑山周煥卿与張子韶侍郎為布衣交相与之意極  
厚煥卿有母喪貧不能卒及有妹未嫁子韶自貶以  
專价賣錢銀供其費書詞懇惻讀之令人悚然生敬  
前輩恤朋友之難每如此范公忠宣公之于孟卿  
蘇文忠之于李方叔同此一念也今錄其書于後以  
警薄俗云九成頓首日候車駕之来乃杳然無耗不  
勝瞻仰即長孝履多福九成此间季生例不受其束  
脯有信州刘益秀才在此多时告以公未葬母及未  
嫁妹许以二百千之助公今付去半則良三挺錢二



十五子足掩子內角子有九成親批字紹宗三字及  
兩頭有如此二字及封印今遣去親隨兩人便令歸  
也齋去此物時已焚香對諸聖願公無障難幸見悉  
也他節哀自重不宣九成再拜

蝦子和尚

承平時有蝦子和尚好食活蝦乞丐于市得錢則買  
蝦貯之袖中且行食或隨其所往密視之遇水則出  
哇羣蝦皆游躍而去後不知其終

郭家朱砂圓

郭氏本郡中一小民所謂林酒仙者每至其家必解  
衣以醉之酒仙遷化前數日語郭氏曰疇昔蒞相接  
之勤以藥一杯為振郭氏以味惡頗難之力強之飲  
至三呷而止酒仙自卒而卒遂授以朱砂圓方曰惜  
乎富及三世尔郭氏竟售此藥四方爭求買之自此  
家大富三世之後絕無有欲之者

陳了翁鱸鄉亭詩

陳文惠公苗題松陵詩其末有秋風斜日鱸魚鄉之  
句屯田即林肇為吳江日作亭江上因以鱸鄉名之  
了翁初至吳江薄嘗為賦詩云中即亭榭據江鄉雅  
稱詩翁賦卒章葦菜鱸魚好時節秋風斜日旧烟光  
一杯有味功名小万事無心歲月長安得便拋塵網  
去釣舟閑倚画欄旁了翁蒞仕之初已無憲官職之



意矣

起隱子

季父諱況字攄之登崇寧五年進士第再遷入館八年季術文章俱不在人下時同列知名者惟季父與蘇元老在庭爾當時号為美蘇葉石林俊声籍甚嘗為文字交其他所与唱酬者如洪玉父朱新仲王豐甫張敏叔亦皆一時名士用先都官中隱故事自号起隱子有文集三十卷曰起隱集終祠部員外郎朝議大夫季父詩格清古如詠刘伶云迹名以酒轉名高醉裏張髯罵二豪日月已為吾戶牖何妨東海作醪醪九日云家、高会錦模糊誰信貧家菊也無多

謝東隣送醕至旋于籬畔覓茱萸自古誰無九日詩、成須道菊花枝直饒無菊何妨醉野蓼村葵總是題游天峰寺云杖藜高踏半山雲不見此山知幾村春異時人物凋零尽只有青山似故人午謁惠安寺云寒日都未數日間顏卿家帖到今傳此公剛鯁魚情繫到得春時也自怜送唐大監云東門相別又相逢轉覓衰頽一老翁子約重来我方去滿庭黃葉正秋風古樂府云妖嬈破瓜女争上秋千架香飄石榴裙影落薔薇下墻外見鴛鴦双、春水塘歸來情脈、無緒理殘妝其他如貪山借船賞嗜酒典琴沽闲多卷滿新成句懶極床堆未答書客疎闲吠犬扈匱



割啼鴉得句怕難續  
游人長轉多山色秋難老  
池光夜不昏此類甚多

### 閻邱大夫

閻邱孝終字公顯東顧諱黃州時公為太守与之往來甚密未幾掛其冠而歸与諸名人為九老之會東坡過蘇必見之今蘇集有詩詞各二篇皆為公作也公後房有懿卿者頗具才色詩詞俱及之東坡嘗云蘇州有二邱到虎邱即到閻邱

### 寶巖院

常熟海隅山有古刹号寶巖院吳越錢王之子祝髮于此太宗嘗賜御書急就章道遙詠及全惠方于寺

中有浮屠七級極北巖吳人相傳自京師來泗州僧伽塔為第一此為第二至今尚在

### 洞庭山

太湖之中有包山一名洞庭韋蘇州皮陸唱和詩言洞庭及蘇子美詩云笠澤魚肥人脍玉洞庭相熟客分金皆在吳江也今岳州之南此謂洞庭者即鄱善長注水經云洞庭之陂乃湘水非江水周内相洪道嘗折衷二說云洞庭山在吳而洞庭湖乃在荆襄之間地形雖分而未嘗斷也周公之說又本于東坡

### 方子通紅梅詩

方子通紅梅詩脍炙人口其云清香皓質世稱奇謾



作輕紅也自宜紫府与丹朱換骨春風吹酒上凝脂  
直教晴雪無藏處只恐朝雲有散時溪上野桃何足  
種秦人必独未相知

范無外

范周字無外文正公之侄孫贊善大夫純古之子少  
負不羈之才工于詩詞不求聞達士林甚推之其居  
号范家園亭安貧樂道未嘗屈節于人石監簿存中  
有園亭在盤門内嘗往謁之不過題于壁間云范東  
周末謁石存中未必存中似石崇可惜南山焦尾虎  
低頭拜狗作烏兔方賊起郡中令總甲巡護雖士流  
亦不免無外率府庠諸生冠帶夜行首用大灯笼書

一絕于其上云自古輕儒孰若秦河山社稷付他人  
而今重士如周室忍使書生如作夜巡郡將聞之急  
為罷去盛季文作守時頗授士嘗于元宵作宝鼎觀  
詞投之極蒙嘉獎目遺酒五百壺其詞播于天下每  
遇灯夕諸郡皆歌之嘗擢舟訪知子高于崑山一日  
酒酣題于絕頂云万疊青巒壓巨境昆四垂空洞水  
天外夜光寒帶山江月春色陰連百里雲桂子鶴鷺  
空丰落天香中出定中間不將此境憑張孟三百年  
未屬老文

綽堆

避御名改曰  
堆即今綽墩

崑山縣西樓里有村曰綽堆故老相傳云此乃黃番



綽之墓至今村人皆善滑稽及能作三反語

### 陸彥猷

陸徽之字彥猷常熟人高才博學衆推為鄉先生出其門者如陳起宗徽猷張柵朝議錢現復即皆為時顯人徽宗即位下詔求直言公因廷對與雍孝侗輩皆力陳時政闕失揭名曰有旨駁放孝侗立殿下叩頭曰陛下求直言有云言之者無罪今詔墨犹未乾奈何以直言罪人衛士怒孝侗唐突以拄斧撞其頰數齒俱落凡直言尽捽出之大觀末雪星見旋見收復時雍公已不能語止賜六字道号居神霄宮彥猷欲赴京師已卒其孫端成天天錫就特奏恩

時上書及廷試直言者俱得罪京師有謠詞云當初親下求言詔引得却來胡道人、招是駱賓王并洛陽年少自訟監公并嶽岳東都一時閑了誤人多是誤人多誤了人多少

### 翠微集

崑山翠微有主僧冲逸年八十有八平生好為詩此著号翠微集姚舜明侍郎嘗觀之詩云僧臘俗年俱老大儒書佛教曰精勤姑蘇一丐披緇客四事無如彼上人邑宰盖屿亦有讀翠微集詩云圣字吟哦只九僧詩成往、比陽春翠微閣上今朝見格老辭清又一人



生老病死

崇寧中有吉州縣置居養院以存老者安濟坊以養病者編澤院園以葬死者吳江邑小而地狹遂即縣官之東隙地以次而為之時以諸生在學而比者相為比隣謂之生老病死

郊子高

郊僑字子高比部公之子負材挺時与范無外為忘形友鄉人至今推之為之郊長官晚岁自号凝和子崑山上方有層屋曰翠微子高多游歷山中尝賦诗云行客倦奔馳寻師到翠微相看無俗語一笑任天机曲沼淡寒玉橫山鎖客暉情根枯未得愛此幾忘

歸訪凌峯賢上人云步入凌峯陶寻師、未歸凭欄寂無語惟見白雲飛筒公約有素琴堂又為賦诗云素琴之堂虛且清素琴之韵論杳冥神陶意定默自鳴宮商不動誰与聽堂中老人骨不俗貌脆形端顏瑩玉我尝見之醒心目寧必絲桐絃斷續嗚呼靖節已死死不復闻成虧相半疑昭文阮手鍾耳相吞吐素琴之道詎可論道人道人聽我語紛々世俗誰師古金徽玉軫方步武虛堂榜名無自苦

鄭应求相

予年二十时三舍法行与鄭君聘应求同在郡庠应求精于人鑑同舍皆為其品題尝見唐輝子明以手



拊其腰曰異日金瑯璫無疑矣子明面大癸赤一日  
顏仲漁過隣齋應求指以示余曰此公蛇行居官必  
尚猛乘間又語予曰吾友乃一壽星頗類應逢原但  
得其半耳然亦可良瑯璫衆皆未以為信後二十年  
漁守嚴陵頗有郅都之風後三十年子明躋法從後  
七十年予始拜牙緋之寃其言無一不驗應求亦甚  
有文声

### 獄山

太湖中有東獄西獄二山吳王于此嘗置男女二獄  
楊脩郎中詩云雷霆号令雪霜威二獄東西鎖翠微  
髣髴鄴都叢棘地巖扉應是古園扉

### 王季正

王彥光察院之伯祖諱偉字康因居太季有声鄉人  
謂之王季正識与不識皆尊敬之有堂名逸野以累  
試不利日游適其中讀書自娛其持身治家甚嚴鄉  
人率以為法彥光自幼知讀書乃季正公之訓也生  
平無子葉大年挽之云書劍当年游上都賢閩虫篆  
校諸儒文華燦：九苞鳳後氣駸：千里駒妙質競  
誰揮壘壘白頭空此死樵蘇遺編殘藁應犹在搔首  
令人益嘆吁又云遺文脍炙在吾鄉賦罷誰能少薦  
揚声迹有妻先夢蝶行藏無子付緝方雲蘿烟夢新  
泉宅秋月春花旧野堂至今尚存王氏奉族祀之不



絕

范文正為閻羅王

曾王父捐館至五七日曾王妣前一夕夢還家急令  
開篋笥取公新裳而去曰恂之曰何恂促如此答曰  
未日當見范文正公衣冠不可不早正也又問范公  
何為尚在冥恂曰公本天人也見司生死之权既竟  
因思釋氏書人死五七則見閻羅王豈文正公聰明  
正直故為此官邪

吳縣寇主簿詩

石林居吳下一日至閻門外小寺中壁間有題一絕  
云葉黃西陂水漫流蘧蔭風急一扁舟夕陽暝色未

千里人語鴉聲共一邱石林極愛之但不書不名氏  
因向寺僧云吳縣寇主簿所作今官滿去矣寇名室  
臣徐州人善作詩文從後山先生李其源流有以自  
末矣

盤溝大空

承天寺晉賢院有盤溝大空身長尺許有人禱祇置  
之掌上吉則拜凶則否人皆異之推以從來乃盤溝  
村中有漁者嘗遇一僧云何不更業漁者云它莫能  
之僧云吾教汝塑泗州像何可以致富漁者云人不  
欲之則奈何僧云吾授法一法遂以千錢予之令像  
中各置一錢以售之率直亦以千錢為率漁者如此



教競求買之果獲千緡今寺中所藏乃其一也豈非  
僧伽訛此以度人也

魏令則侍郎

魏憲字令則与其弟志則有声太季号熙豐人才徵  
廟朝為東臺御史入侍經帷論思獻納為多又代言  
西極得温厚雅正之体遷吏部侍郎久之除顯謨閣  
季士知明州建炎初召赴行在季父礼部送之詩云  
炎祚無疆越万齡如何喬虜尚憑陵中興事業須王  
道導撥亂韜鈴要孔明劇道盜已分存鐵定端星  
行指泰階平嘆呼韓朝漢非难事好繼当时丙魏  
聲

圖經刊誤

曰圖經云外岡青岡五家岡蒲岡塗松岡福山岡並  
在吳縣界今次第而數之其上之四屬崑山下之三  
屬常熟言其地之遠近与吳縣大相遠絕續圖經曰  
太和宮在盤門之外其地唐相畢城之別業也切詳  
畢城未嘗為相為相乃畢城也城与城兄弟尔

草腰帶聽声

元豐中姑蘇有一瞽者号草腰帶善揣骨聽声一日  
王父呼至其家以祖姑声凶禍福扣之云此婦人他  
日必以夫而貴但出通時事于朝廷时祖姑已许嫁  
碩沂大夫以其語下口口堅皆唾之論命未竟通有



提夫过门报省榜者王父急出问榜首姓名云無為人焦蹈既入若嗟惋不已王父怪之因问曰知此人声骨否曰熟知之王父曰官取如何曰不能食祿安何官取也衆皆曰焦已為大魁術者之言必謬經旬有自京師来者云揭榜後六日焦已死矣祖姑在曾王父服中願以欲之官捉之其期遂引女年二十不待父母服除法闻之朝得旨方成礼其言無一不驗

### 壓雲軒詩

崑山翠微之上有亭曰壓雲軒邑士胡清嘗賦誰云誰建危亭壓翠微畫簷直与暮雲齊有时一片巖隈起帶与老僧山下歸軒旁有小柏數株又賦詩云栽旁岩隈未足看謂言斤斧莫無端它时直入掄材手不独青、保岑寒後有一文人作浙漕因到山中見之大喜尋訪其人厚礼以待之既怜其貧遂給官田胡由此致富

### 翟忠惠

翟汝文字公巽其先本南徐人後徙居常熟紹興初為參知政事卒門人謚為忠惠先生公文章甚古此作制誥皆用尚書体天下至今稱之自宣教以來又人有声者惟公与葉石林汪厚溪孫蘭陵四人耳孫崇自評云某之視厚溪厚溪之視石林各少十年書



石林視忠惠亦然。識者以為確論。公素儉。雖身歷兩府。奉養甚于貧士。一日招客。未飲。時與客論近世風俗。侈靡燕樂之間。尤甚。因正色言曰。德大于天子者。然後可以食牛。德大于諸侯者。然後可以食羊。客自度今日之集。必無盛饌。已而果以惡草具。進公在翰苑時。禁中新創。雖儀有旨。令撰文。是日辰巳。間中使送篇目。至午後。丞督索進呈數篇。既立極就。而文法且極高古。石林乃謂公文極難得。在西掖時。以草詞遲。罰銅。又在試院議策題。以冗官為詞。一夜僅成四句。云。太平日久。人樂仕進。可為朝廷慶者。一可為有司慮者。二。石林頗怪之。予切謂公之文。正不可當以遲速論。當觀其得意與否耳。策題雖止四句。寔佳作也。

### 白雲泉

天平山有白雲泉。雖大旱不竭。或云此有湫也。唐刺史白樂天有詩云。天平山上白雲泉。雲自無心水自閑。何必奔衝下山去。更添波浪在人间。蘇子美嘗至山中。為賦長篇。范貫之亦有和章。

### 請三命

請三命者。承天寺僧精陰陽山水之術。吉凶無不立驗。好食活鷄。已就死者。則却而不食。人欲其卜。葬必以數十活鷄。自隨。聞其声。呶然則食之。愈喜。率以是



為常後享高壽而死及焚屍有五色舍利自舌本湧  
出王家虎邱墳乃其冢擇也葬之明年有偃松生其  
上

范文正詞

范文正與歐陽文忠公席上分題作別良灯皆寓勸  
世之意文正云昨夜因看蜀志笑曹操孫叔劉備用  
尽机関徒勞心力只得三分天下細尋思爭如共  
列伶一醉人世都無百步少癡駮老成兀悴只有中  
間些子少年忍把浮名牽繫一品與千金何白髮如  
何回避

懼菴

吳江王份文自号懼菴嘗築圃于松江之側方經始  
時文儒下榻待予延留數月見買樹作址計三百萬  
錢圃成極東南之勝後湖蘇養直嘗賦詩云王郎懼  
菴摩詰詩烟花遠舍江遠籬石渠東現了無夢筆床  
茶竈行相期古人已往不可作甫里願有今天隨灣  
頭解舍豈著我清具簑笠懸牛衣又為文儒賦草堂  
云笛弄松江明月簑披笠澤歸雲若話青霄快活五  
侯何処如君

蠡口

蠡口在齊門之北又有蠡塘在菱門之東故老相傳  
云范蠡破吳辭越乘扁舟游五湖潜于此遣人馳



書招文種大夫自此名之楊備郎中詩云霸越声名  
向世才五湖烟浪一帆恂犹防鳥喙傷同輩此地復  
招文種末

蛇化為劍

干將墓今在匠門城東數里頃有人耕其旁忽見青  
蛇上其足其人遽以力刀殪之上之半躍入草中不  
復可尋徐觀其餘乃折劍也至莫欲持歸亦不復見  
方子通有詩具載其事

衛月山因筆錄云匠門

賈表之

賈公望字表之丞相昌期之孫青之子頃倅平江時

朱勛父子方出入禁中竊弄杈柄一時奔競之流爭  
持苞苴惟恐無門而入賈獨疾之嘗有詩云倏忽  
何六十萍蓬無奈何丹心犹奮迅白首分蹉跎正直  
士流少傾邪朋類多陽光一銷藥不復見妖魔其志  
尚亦足嘉矣

勛之子為浙西路分司有賜帶之冠賈亦同時衣  
金紫服旦日過相會于天慶朱虞兵見賈臥佩魚  
熟視之賈厲声叱之曰此是才力得末非緣花石  
之故左右皆錯愕朱甚訝之為其臥拈賈竟停在  
易承天為能仁寺

宣和中戶部幹當公寺事李寬奏凡以丕為名者並



行禁止又給事趙野奏凡世俗以君王聖三字為名  
悉合革而正之然尚有以天為祿者切慮亦當禁止  
其後又有以危王主玉字不當言者亦請遺絕前後  
共禁八字遂易承天為能仁其他觀寺及士庶名字  
犯而不改則重加之罪雖橋梁亦有危形者亦皆鑿  
去之太季同舍陳朝老語余曰此無君無天之兆甚  
可畏也季父倅與仁時一太守曲意奉行取諸寺  
觀藏經命剪去其禁八字未幾而太守卒

章戶部

章緯字伯成莊敏公之子

諸子甚

肆致一書室中故緯與諒皆中第而 有文季  
父禮部取緯之侄女名為校書郎月祥以詩餞之有

船尾淮山青未了馬頭垂柳綠相迎之句孫仲益甚  
喜之晚年詩律益高清淨雅健得唐人之風有文集  
三十卷藏于家終戶部郎中

王教授祭李生文

慶歷中即季既建養士至百員亦有自他鄉至者建  
陽二江忘其名肄業未久其季忽感疾而殂時王逢  
會之為教官率同舍祭之云維慶歷七年歲次丁亥  
七月甲戌朔初六日己卯蘇州王教授王逢率同  
李同舍謹以香酒果饗致祭奠化冥帝告祭于李生  
建陽君之靈人固動物爾氣完則在氣散則祭財生  
子死吾不得而知也惟是生者有名教存焉得以異



諸物善而夭為得不死惡而壽為不幸子年尚少徒  
步里旅吳季以道義為身謀于善無民負今天  
吾得謂子不死矣夫族為死為親戚左右為助  
者有之今子兄在焉啟而手足比無助者為多同門  
生幾百員為子哭不為孤其亦善德之召与子魂氣  
何歸之吾以子有死生之別旅視卒而望涕不知其  
民從哀哉尚享

沈元叙滄浪亭詩

蘇子美獨步游滄浪亭詩云花枝低歌草色齊不可  
騎入步是宜有时載酒只独往醉道惟有春風知  
與初崑山沈東元叙游其亭賦詩云草蔓花枝与  
世新登臨空復想清塵只今惟有亭前水曾識春風  
載酒人程致道張敏叔游滄浪詩有云醉倒春風載  
酒人蒼髯犹想見長身試尋遺址名空在却笑張羅  
事已陳皆寓感嘆之意



中吳紀聞卷之五

中吳紀聞卷之六

宋崑山龔明之

西樓詩

紹興中郡守王喚顯道建西樓賦詩者甚衆独耿时  
本德基為擅揚其詩西樓一曲曰笙歌千古当樓面  
翠蛾花發花殘香徑香雨月生月落洞庭波地雄鼓  
角雄声壯天迴欄干夕照多四百年年無妙手要看  
風物似元和德基他文称是居太孳久之不得一第  
而惜哉

郭仲達

郭章字仲達世居崑山自幼工于文游京師太孳有



声因扁鄉省親作詩別同舍云菽水年來屬未涯羞  
騎款段出京華漲塵回旋風頭緊綺照支離日脚斜  
掠过短莎驚脫兔踏翻紅葉闹扁鴉不堪回首孤雲  
外望斷淮山始是家俄又賦一篇云也知隨俗調扁  
策却憶當年重出閤豈是長居戶限上可能無意馬  
蹄間中原百覺知誰運今日分陰敢自闲倘有寸功  
裨社稷扁耒却好试衣斑其詩傳播一時後以守城  
恩拜官被知己荐居扁幕久之官至通直郎卒于京  
師年四十餘無子

### 凌佛子

凌哲字明甫与予同肄業郡庠誠寔君之子也紹興

為正言上疏論秦代新党因緣得科第有妨寒素進  
取之路公論甚與之累遷至吏部侍郎後以敷文閣  
待制通議大夫致仕年八十餘而卒公處已以謙待  
人以恕雖身至從班不啻如寒士非时未嘗輒至郡  
中終年無一毫干瀆書室之前有一茶肆日為羣小  
聚會之地公与賓客谈话甚苦其澹遣介使之少載  
已而後然公不与較曰徒以避之其厚類如此人自  
之為凌佛子

### 崑山李记

程咏之宰崑山其政中和有古循吏風嘗修治羣庠  
張無垢為作记欲镌之于石或谓無垢记此以諷朝



士尋即已之今橫浦集亦不載因附見于此右通直  
郎知平江府崑山縣事程公詠之文簡公之曾孫伊  
川先生之侄也紹興二十八年七月十二日作書抵  
予曰沂邇為政莫先于教化教化莫先于興學吾邑  
有學卑陋不治甚不稱朝廷所以尊儒重道之意學  
門有社壇禮齋以掩蔽于前沂乃移于社壇之西闢其  
門壇廣袤十餘丈又以東隅建學門週植槐柳增崇  
殿門營治齋宇氣象宏偉殿堂齋廡皆一新遇月  
旦則率縣官詣學諸生學者分講六經與諸生環坐  
堂上以聽焉時知府事待制蔣公名其堂曰致道并  
書學榜以冠責之於予可謂盛矣又曰先生昔學于

大儒其所以見聞非俗儒比願以其所聞者名以告我  
將有以大之余曰吾老矣久抱末疾曰學荒落願  
何以副子之請雖然不可以虛辱也輒以聞于師者  
以告左右左右其擇焉竊嘗以謂學者以孔子為師  
當學孔子之學非以博物洽聞飾章績句高自標致  
視四海為無人攘臂而言曰吾仕官當至宰相吾富  
貴當歸故鄉吾當記三篋于渡河賦萬言于倚馬此  
正俗儒之學孔子之學乃不如是熟誦孔子熟若至  
與仁則吾豈敢之說子夏掬水播洒之說孟子徐行  
後長者之說以求孔子之心可也是謂孔子之學若  
乃學如馬融如陸淳博如許敬宗文如班固如柳子



厚亦可矣而依梁冀而助武后而事實寔而附王文叔此吾侪之所羞道而孔門之罪人也詠之以為何如其不然當明以告我

### 王唐公

王綯字唐公秦正懿王審琦五世孫建炎中為御史中丞虜犯維揚車駕南渡公扈從以行東宮初建以資政殿學士權太子少師未幾拜參知政事力丐奉祠御恩書霖雨思賢佐以一聯以賜之紹興七年薨于崑山僧舍年六十四謚和子陔公為人剛正有守立朝無所附阿宣和乙日策士于庭公為詳定官多取議論剴切者置科建炎己酉虜寇深入公具陳攻

守之策宰相不以為然己而虜犯維陽終無策公自建康扈從至臨安道由鎮江從容奏陳東以忠諫被諫此其鄉里也即命調其家官其子車駕幸會稽時韓世忠邀擊虜寇扁騎于揚子江公議遣兵追襲俾與世忠夾擊之同政者議不合遂求去公雖為執政其家貧甚每以祿不及親自奉儉薄仕宦二十年無寸祿可居自奉祠後寓崑山惠嚴僧舍蕭然一室服食器用無異于寒士天性仁孝調恤姻族無所不至俸入之餘買田贍給其孤貧者又為之畢婚冠喪葬平居無他嗜好惟讀書為樂其文溫潤典雅深于理致于死生禍福之說尤於洞達其寢疾也家人召



醫且欲灼艾公曰时至即行而連無益亮之前二日  
書戊戌字示左右屬續之日果戊戌也其前知如此  
公此製述有内外制四十卷奏議三十卷進讀事實  
五卷論語解三十卷孝經解五卷羣史編八十卷內  
典畧錄百卷

顧景繁

顧儂字景繁居光福山中其祖沂字歸全終襄州太  
守其父彥成字子美嘗將漕兩浙景繁雖受世賞不  
樂為仕閉戶讀書自娛自号漫莊又号癡絕嘗注杜  
子美詩其他著述甚富此与交者皆一时名士都易  
子微彦实擴以詩聞天下景繁結為一社与之唱酬

今張集有送顧景繁暫歸游西詩云牆頭飛花如雪  
凌牆根老柳絲坐地春正濃時君不田山路曉鳴馬  
筮涛江入眼浪千尺想見吳儂恂行李田園久荒漫  
檢校親旧相逢半悲喜行朝諸公訪人材故人新賜  
尚書履袖中有策則可陳君亦因行聊尔耳又他詩  
称善景繁不一如云顧侯風味更嚴苦家貧闕辨三  
菹菹龜腸撐突五千卷底用会萃箋蟲魚又云虎頭  
文字逼前輩衣冠顧蒙分尺素天闲老驥日千異何  
用鹽車追蹇步景繁隐居五十年高寿而終子美除  
清到蘇道过南峯山拜先都官墓都官子美之外祖  
也廵尉護送至山中親題于亭之壁予視景繁為中



表

慈受禪師

慈受禪師深老靖康間住灵岩寺徒甚尊之平生  
 作功戒偈頌甚多皆有文法鏤板行于世嘗自為真  
 讚云自願箇形骸奉止凡而陋只因放得下触事皆  
 成就醍醐与毒藥万味同一口美惡尽銷融是故名  
 慈受孫仲益作守时因上元命之陞座慈奉受似云  
 灵岩上元節且与诸方別只點一碗燈大千俱照徹  
 也不用添油光明長皎潔雨又打不涇風又吹不滅  
 大衆畢竟是甚麼灯教我如何说时高峯瓚老雖相  
 去不遠絕不会面因中秋賞月詩書一絕寄瓚老灵

岩高峯咫尺間青松長伴白雲閑今宵共賞中秋月

莫道山家不往还

師名  
深

蔣侍郎不肯立坊名

胡文恭公守蘇蔣公希魯將致政歸文恭公頃為諸  
 生嘗受季于蔣曰即其居第表為难老坊蔣公見之  
 愀然謂文恭曰此俚俗歌艷内不足而假之人以誇  
 者非所望于故人也願即撤去文恭公愧謝欲如其  
 請則營繕已嚴乃資其嘗獲芝草之瑞改灵芝文恭  
 公退而語人曰識必因德而後達蔣公之德盖人所  
 畏而其識如是固無足疑非吾所及也

孫郎中



孫緯字彥文擢進士第仕至尚書郎為人誠朴好以俗下語為詩文而多近理秦師垣生于蠟月二十五日嘗獻壽詩云面臉丹如朱頂鶴鬚長似綠毛龜欲知相府生辰日此是人間祭竈時師垣甚喜之公精于本朝典故及巨室大家名系世次無不通曉嘗著本朝人物志行世

### 潘悅之侍郎

潘兗字悅之操履甚正鄉人皆尊敬之徽宗朝為中書舍人遷禮部侍郎與先君子甚厚其往來于滄海之上飲酒賦詩延款竟日悅之無子扶民瞻于詩與季父唱和成集

### 南北章

章氏木建安鄒公之裔後徙于平江者有二族子厚丞相家州南庠夫樞密家州北兩第屹然輪奐相望為一州之甲吳人号南北章以別之

### 余良弼占卦影

余仔字良弼三舍法行與余皆肄業郡庠又以同經聚于一齋良弼試上舍義題自假樂君子顯令德至干祿百福子孫千億良弼反爻用天人之說遂中高選既貢京師道由南徐訪一日者探掛得掛影畫文書一軸書天人二字于其上下書兩甲兩癸又畫二雁一入雲中一為箭所中日者云此文書二十年



後可復用良弼以為不然既試南宮果不第退舍而  
歸累試皆蹉跌後罷舍法赴省義題與預貢時不少  
異即欲盡寫旧詩作同舍曉之云文格與今不同矣  
用之必不驗良弼深以卦影之言為信竟書之不易  
一字新鄉人用新格者俱見黜獨良弼之得廷試計  
操著時適滿二十年之數

### 王彥光

王葆字彥光擢宣和甲辰第崑山自邦正夫登科後  
有孫積中積中後六十載無有繼之者彥光擢第時  
吳昉博士適為邑宰有致語云振六十載之頽風賈  
三千人之餘勇紀其實也紹興改元甲子廣侗言路

購求賢良等材彥光時主麗水簿慨然上疏陳十弊  
皆切中切病其末以儲嗣為清語尤切直至為仁宗  
時中外無事海宇晏然而范鎮等為國遠慮其詞納  
忠急在此况當今日國步多艱人心易動強虜未  
靖羣盜陸梁天下之勢危若綴旒而甲視之崇未嘗  
疏慶中外惴恐此為甚急因願陛下為宗廟無疆之  
計廣求宗室之中仁明孝友時論所歸者歷試諸事  
以係人心執政讀而奇之彥光素為秦益公器重和  
議既定梓宮及太后皆還彥光時主宗正寺簿上書  
于益公僅三百字大意謂古宰相功業之盛無如伊  
尹周公究其終始之言伊尹過周公遠矣方其相成



湯輔太甲其功無与比當是時遂思復政放君而啟其告歸之意今咸有一德之書是也周公則不然夾輔成王坐致太平之功此時可以告老矣而卒不之魯故其後有四國流言之禍今欲為伊尹乎欲為周公乎惟閣下此擇益公得書頗喜久之除司封即彥光既丁内艰服闋居旧戢一日益公語彥光松待告老如何彥光曰此事不當問之于某益公曰他人不敢言以公有直氣故問之嘗記紹興公八年某為宰相時公以書劝某去位保全功名今何故不言彥光曰果欲告老不問親其与疎擇其可任國家之事者使居相位誠天下生民之福益公默然俄除監察御

史兼崇政殿說書益公薨出知廣德移漢州終浙東提刑彥光歸鄉教誘後進終日論文不倦其成就甚終此季最長于春秋集傳十五卷春秋脩論兩卷方徑嘉彥登第叅政范公嘗作公挽詩云喻蜀三年戍还吳万里舡雲歸双節後雪白短檠前百世春秋傳一邱陽羨田浮生如此了何必更凌烟聞者悲離索公乎又杏冥門人辨幹韓集于舍德韋經此去念等室空来詢过庭路逕遙人不見千古泣松銘

彥光鑒裁甚精李樂菴為布衣時流落兵火之餘一見以為佳士妻以女弟今參政周公初登第時愛其博洽即納之為婿二公尋即遇榮而又季術



氣節聳動當世人于是服其知人至非從其季者亦  
能第其科甲之先後無不如所期至今言其事者  
莫不稱嘆以為不可及

### 狀元讖

穹窿山在城之西里老相傳云穹窿石移狀元未歸  
一夕聞有風雨声詰旦視之果有石自東而移西者  
淳熙辛丑王子由遂魁多士夷亭雖去崑山不遠旧  
無潮以故吳中方有之犹不及二十里外李道菴嘗  
見一道人云潮到夷亭出狀元後以此語葉令子強  
因作問潮館賦識其語今已过夷亭矣但未知于何  
時然後潮汐起于崑山邑人必有以當此讖者

### 西幡之助

大父自甲子既周之後遇生朝則捨齋于寶積寺刹  
柱叟率以為常時曾王妣之越上由其壻頤沂大夫  
家大父往省之夜宿于蕭山渡繫舟于一古柳之下  
終夕為之安寢拂舟師大驚四顧皆巨浸舟存于水  
杪頃吏水退独免漂溺是夕王妣夢艤舟之地有四  
黃幡覆其上方有疑于心王父既歸言其事曰屈指  
計之已歷四生朝矣

吳仁傑云羹浩字子止往蕭山訪頤沂舟值水發  
比到家其妻云向夢有黃幡六首罩一舟羹問其  
日正水發之夕也蓋嘗以生朝施二幡于承天寺



不染塵現音殿凡三數步矣適如夢中之數云  
按吳氏感應錄云記微有不同當以此說為是然  
不染塵觀音殿乃是在城報恩万寿寺今北寺  
也

### 樂菴

樂菴在崑山之東南六七里李公彥平游息之所也  
公本江都人紹興初避地居此嘗為溧水宰以德化  
民四年無犯死罪者剡章交上召對陳便民十事除  
知温州未行擢監察御史出知婺州召拜司封郎官  
遷樞密院檢詳仁宗屢引見僧徒談性空之理一日  
因對論及禪宗公奏曰昔周公亦坐禪上愕然公徐

曰周公思兼三王以施四事有不合者仰而思之但  
以繼日幸而得之坐以待旦非坐禪而何陛下誠能  
端坐而思所以愛人利物之道即坐禪也何必他求  
乎俄以引年掛其冠而歸遂即菴廬而居之自号樂  
安菴叟居年餘上愛公精力不衰詔落致仕除侍御  
史同知壬辰貢奉曰革去險怪之習文体為之一變  
而所得多一時名士曰上疏論后戚不當居樞密院  
之地遷起居郎不就知台州又不就復上請老之章  
時王仲希呂行為右正言力彈之莫偕子齊為給  
事中不書黃周洪道直李士院不草制皆遭遷逐布  
衣莊治嘗作四賢詩公道李精通且樂于教李者嘗



誦康節語以告人曰季為人之仁季為人之事此以  
教人者率不外于公中年以後絕欲清修惟一蒼頭  
給事年幾八十視聽言論雖少年有此不及菴之左  
右皆植修竹經史圖畫滿室忽旬餘不食屏醫却藥  
終日燕坐一夕親作手簡編別親曰仍命其子不得  
齋僧供佛書訖忽然而逝此著文章甚多号樂菴集  
又有易說語孟說若干卷

吳江詞

建炎庚戌兩浙被虜禍有題水調歌頭于吳江者不  
知其姓氏意極悲壯今錄之于後平生大湖上短棹  
幾經過今重到何事愁与水雲多擬把匣中長劍換

取扁舟一葉歸去老漁蓑艮艾非吾事邱壑又已蹉  
跎鮠新鱸斟美酒起悲歌大平生長起謂今日識兵  
戈欲瀉三江雪浪淨洗胡塵千里不挽天河回首望  
霄漢雙淚墮清波

徐望聖

徐師回字望聖師閩之弟嘗為南康太守作有節堂  
蘇黃門為之記以為物之生未有不直者一為物所  
撓雖松柏竹箭之堅不能自保惟公能遂其直求之  
人蓋不待文王而生者黃門未嘗以言假人其推重  
公如此子閩中孫林統曾孫歲

羊克實



羊充實曰予子肄業郡季其為人好崖異且狠愎一日同舍對牀劇談充實偶以言浸衆遂相率聯句戲之云彼美羊充實學：角向天口內餐荷葉尻中放瑞蓮細毛堪作筆麤毳可為氈子貢雖曾愛春宣不見憐其它不能盡記充實見諸公公相及答批鋒甚銳遂哀鳴不已自是処衆和易待人亦有礼諺所謂菱角鷄頭之說信矣

蘇民三百年不識兵

姑蘇自刘白韋為太守時風物雄麗為東南之冠乾符間雖大盜蠱起而武肅錢王以破黃巢誅董昌尽有浙東西五代分裂諸藩據數州自王独錢氏常順

事中國本朝既受地尽籍土地府庫師其居朝京師遂去其國盖自長慶以來更七代二百年吳人老死不見兵革承平時太伯菑棟犹有唐唐昭宗時靜海鎮東軍節度使錢鏐姓名書其上可謂盛矣大觀中樞密章公之子綰為蔡京証以盜鑄詔開封尹李常壽即吳中置獄連逮千餘人遣甲士五百圍其家鉦鼓之声晝夜不絕俗謂之聒囚鼓州民目眇未覩莫不為之震駭獄既不決就又遣三御史蕭服沈疇其各重按其至也人皆自門隙中窺之不敢正視識者已知非太平氣象故其後有建炎之禍方章氏事未竟時城中小兒所在羣聚皆唱云沈道遠莫知其由



已而三御史果至

之彛老

之彛老外江楊氏子名則之字彛老嘗李詩于西湖  
順老李禪于大覓璉禪師詩号禪外集禪李有十元  
談叅同契俱行于世嘗作早梅詩云數夢初含雪孤  
清画本难有香終是別雖 尔勝寒橫笛和愁听斜  
料枝倚病看朔風如解意容易莫吹殘又雪霽觀梅  
詩云荒園晚景歛雲烟數朵清新破雪边幽艷有誰  
能畫得冷香無主賴詩傳看末最最畏前村笛折去  
难逢夜渡船向晚十分終更好靜並江月待娟

紀異

盛章季文作守时樵樓一夕為火既熱有得其煨爇  
之餘者欲折而為薪見其中有大吉二字遂聞之于  
朝又郡李有一立石中夜光起教官言于州因作瑞  
石故光頌尔奏之又大成殿一夕忽為雷擊其柱火  
光異常東壁額上遺四帶青布巾大可貯五斗粟教  
官命以香案置之中庭詰朝視之無有

朱氏盛衰

朱冲微时以買賣為業後其家稍温易為藥肆生理  
日益進以行不檢兩家徒刑既擁多貨遂結交权要  
然亦能以濟人為心每遇春夏之交即出錢米藥物  
募医官數人巡門向病者之疾從而調之又多買藥



衣擇市嫗之善縫紉者成衲衣數百當大寒雪尽以  
給凍者詣延壽堂病僧日為供飲食藥餌病愈則已  
其子勛因賂中貴人以花石得幸時進奉不絕謂  
之花網凡林園亭館以至墳墓間或有一花一木之  
奇怪者悉用黃紙封識不向其家徑取之有在仕途  
者稍拂其意則以違上命文致其罪浙人畏之如虎  
花網經從之地巡尉護送遇橋梁則撤以過舟雖以  
數千緡為者亦毀之不恤初江淮發運司于真陽楚  
淮有轉運倉網運兵各據地分不相交越勛既進花  
石遂撰新裝運船元御前網以載之而以餘旧者載  
糧運直達京師而轉般倉遂廢運由此不絕禁衛至

于之食朝廷亦不之問也勛之宦日盛父子俱建節  
錢即居第創雙節堂又得徽畝御容置之一殿中監  
司即守必就此朝朔堂望勛嘗預內晏徽宗親握其  
擘與勛遂以黃帛纏之與人揖此臂竟不牽弟妹數  
數人皆結姻于帝族曰緣得至顯官者甚衆盤門內  
有園極廣植牡丹數千本花時以繒絲為幙常帶表  
其上花標其名以金為標榜如是者里比園夫畦  
子拔精種植又能疊石為山者朝釋負擔暮紆金紫  
如是者不可以數計園之中又有又閣作九曲路入  
之春時縱婦女游賞有迷其路老朱設酒招邀或遺  
以簪珥之屎人皆惡其醜行一日勛敗檢估其家賞



有黃髮勾者素与勛不協既破首黎明造其室家人  
婦女尽駭之出雖同巷小民之家無敢容納不數日  
已墟其圃此謂牡丹者皆折為薪每一扁榜以三錢  
計其直勛死又竄其家于海島前日之受浩身者尽  
禿之当时有謔词云做園子得數載栽培得那花木  
就中堪受时将介保義酌勞反做了今日殃害詔書  
下来索金帶這官浩看、毀坏放牙笏便擔屎擔  
依旧種菜又云疊假山得保義幞頭上帶省百般材  
氣做模樣編得人憎又識甚條制今日伏惟安置官  
浩又来索氣不如更疊个盆山賣八文十二初勛之  
進花石也聚于京師艮嶽之上以移根日遠為風日

此殘植之未久即槁瘁时、欲一易之故花綱亭于  
于道一日內宴譚人因以諷之有持梅花而出者譚  
人指以向其徒曰此何物也應之曰芭蕉有持松松  
而出者復設向亦以芭蕉答之如是者數四遂批其  
頰曰此某花此某木何謂俱為之芭蕉應之曰我但  
見芭、地討来都蕉了天顏亦為之少破太孛生鄧  
肅有進花石詩大寓規諫之意至今傳于世

### 徐稚山

徐林游定夫先生字之曰稚山紹興中坐趙忠簡公  
貳引忤秦丞相意罷宗正少卿又以前任江西運使  
日嘗按秦之妻弟王昌秦婦大街之俄有將兩浙漕



節者密受諷旨誣劾公議均田良法安置吳化軍  
秦死放還除戶部侍郎事載紹興正論

無菴

崑山陳氏子名法全弃家從道川為僧參請勤至一  
日行靜濟殿前偶撞其首于柱伺忽然大寤旁觀者  
曰見其光彩飛動而全自不知也自此遍走山林道  
價日增後住湖州道場山号無菴

結帶巾

宣和初予在上庠俄有旨令士人結帶巾否則以違  
旨論士大夫人甚苦之當時有謔詞云頭巾帶誰理  
會三千貫賞錢新行條制不得向後長坐与胡服相  
類法甚嚴人尽畏便縫阔大帶向前画繫和我太李  
先輩被人叫保義

周妓下火文

崑山有一名倡周其姓後係郡中籍張崇微作守時  
周忽暴死道川遍訪紫微公曰命作下火文云可惜  
許大眾且道可惜許箇甚麼可惜巫山一段雲眼如  
新水點絳唇昔年繡閣迎仙客今日桃源憶故人休  
說醜奴兒怪釵便頭抖數好精神南柯夢斷如何也  
一曲離愁別是春大眾還知沒故某人向甚麼處去  
回這裏公明会得驀山溪畔芳草渡頭處六么花  
十八其或未然与君一把無烟火燒尽千愁万恨心



諧謔

鷄冠花未施放狗尾葉先生廣葉三間草屋田中舍

兩面皮韉馬轡丞田馬自冬瓜少貌犹施粉甘蔗無

才又也著緋猜護婦人富數行文字那个漢書一簇

人相誰家庄子筵上枇杷宛類無聲之樂草頭蚱蜢

犹如不繫之舟醉公子酉生年九十柳青娘卯生年

十八鏡上吹錢銅應相逐馬前斷事鞍上治民鉏麂

触槐死作木边之鬼豫让吞炭終為山下之灰滕連

鄭毅夫對

思韓記

韓正彥字思德魏公之犹子嘉祐中知崑山縣崑山

号為难理而公能以靜勝囹圄為之數空叛石堤數

斗門作塘長七十里而人不病涉得膏腴田百頃部

使者以最上又請以輸州之賦十三万程近便輸于

縣復造塘餘村為倉廩以貯之民大悅比去遮道以

亩生為立祠作思韓記銘于石

徐氏安人詩

徐稚山侍郎有妹能詩不類婦人女子以為其筆墨

畦徑多出于杜子美而清平冲澹蕭然出俗自成一

家平生此為賦尤工有一文士嘗之云近世陳去

非吕居仁皆以詩自鳴未能遠过也有詩集傳于世

吳中水利書



吳士人卑謬嘗著吳中水利書其說謂蘇湖三州之水瀦為太湖之水溢于松江以入海故少水患今吳江岸界于松江太湖之間岸水則江岸西則湖江東則大海也自慶歷二年便糧道遂築北隄橫絕江流五十里遂致太湖之水常溢而不洩浸灌川三州之田又都岸東尾与海相接之處汚穢芟蘆叢生沙泥漲塞又江岸之東自築岸以來沙漲今為民居民增吳江一邑之賦而三州之賦不知反

地遷沙村之民運其吐漲之泥然後以鑿其才為才橋千所以通糧運隨橋礮

為港走水仍于下流開白蜆安亭二亭江東坡在由華亭青龍入海則三州水患必減翰苑奏其書請行之



中吳紀聞卷之六終





